

四庫全書

子部

欽定四庫全書

子部

初學記卷十二

詳校官中書_臣金應琦

員外郎_臣牛稔文覆勘

總校官檢討_臣何思鈞

校對官修撰_臣吳錫麟

謄錄監生_臣顧裕涇

欽定四庫全書

初學記卷十一

唐 徐堅 撰

職官部上

太師太傅太保第一

叙事

漢官儀云太師太傅太保皆古

官也殷太甲時伊尹為太保紂時胥餘為太師武王克

殷作周官立太師太傅太保為三公

應劭云太師天子所師法也太傅謂

傅天子於德義太保為能保安天子於德義舊說以司馬司徒司空為三公周以司馬司徒司空司寇冢宰宗

伯為六卿遂以書云維茲三公論道經邦是也太師在
師傅保為三公

太傅上太保次太傅無官屬與王同職無不總統禮記

云三公無官言有其人然後充之無其人則闕周武王時齊太

公為太師成王時周公為太傅召公為太保秦漢之際並無其官至高后唯

置太傅

王陵為太傅

漢末以大司馬大司徒大司空為三公

立師傅保之官位在三公上崇號為上公平帝時以孔光為太傅連

太師王莽為太保馬宮為太師

東漢已後皆以太尉司徒司空為三公

太尉與大司馬恒不兩置歷代或以太尉或以大司馬為三公師傅保常曰上公後魏

書官氏志云後魏尊師傅保為三師五代史百官志云

北齊因後魏亦曰三師後周依周禮又以師傅保為三

公隋初又為三師煬帝廢之自漢魏已來皆開府置寮

屬至隋省寮屬事對三足

六符

環濟要畧曰三公者象鼎三足共承其上

也漢書云六符孟康注曰秦階三台也台二星凡六星也六符星之符驗也應劭云黃帝六符經曰秦階天之

三黃閣 綠綬

沈約宋書云三公黃閣前史無其義臣按禮記云士鞞與天子同公侯大夫即

異鄭玄注云三公之與天子禮數相亞故黃其閣以示謙不敢斥天子宜是漢末制也晉官品令曰三公綠綬

綬也 綬也 綬

槐位

台階

周禮曰三槐三公位馬台階見上

法三光

象五

岳

韓非曰背私曰公三公象鼎足也數三者
法三光春秋漢舍尊曰舉三公象五岳

理陰陽

節風雨

傅子曰三公者佐天子理陰陽劉向說苑曰三
公正天下朝陰陽節風雨已上三公三師事

經邦事

秉國均

尚書曰立太師太傅太保孔安國注
云師天子所法也佐王論道以經緯

國事有德乃堪之詩曰尹氏太師維周之氏秉國之均
四方是維天子是毗俾民不迷鄭箋云毗輔也言尹氏
居太師之官持國
政之平維制四方
毗天子
備國師
詩云天子是毗已
見秉國均注中續

漢書曰趙典寫學博聞宜
備國師國師即太師也

變陰陽

經禮樂

尚書曰立
太師太傅

太保惟茲三公論道經邦變理陰陽孔安國傳曰師天
子所師法惟三公之任佐王論道經緯國事和理陰陽
大戴禮曰天子不論於先聖王之德不知軍國畜民之
道不見禮樂之正不察應事之理不博古今之典傳不

閑於威儀之數禮樂無經學
業不法凡是其屬太師任之
訓帝躬 持國政 應劭漢官儀曰

平帝元始元年孔光以太師見授太后曰太師先聖人
之後道術通明宜居四輔職訓導帝躬持國政事見秉

國均 **得於磻溪** **賜以靈壽** 史記曰周文王得呂尚於磻溪以為師謂之大公武

王嗣位號曰師尚父成王即政尊為太師詩云惟師尚

父時惟鷹揚應幼漢官儀曰孝平皇帝元始元年太后

詔曰太師光今年老有疾俊又大臣惟國之重書曰無

遺老成國之將興尊師重傅其令太師無朝十日一賜

餐賜以靈壽杖黃門令為太師於省中 **元老** **中庸** 東觀

施坐置几太師入省杖馬已上太師事 **元老** **中庸** 觀

漢記曰詔云行太尉事趙熹三葉在位為國元老其以

熹為太傅胡廣年八十心力克壯繼母在朝夕瞻省傍

無几杖言不稱老達練事體明解朝章雖無蹇直之風

屢有補闕之益故京師諺曰萬事不理問伯始天下中

庸有相天子錄尚書尚書曰立太師太傅太保惟茲三公論道經邦孔安國注云傳

傅相天子續漢書云大傅一人當以善道無常職世祖以卓茂為之其後每帝即位輒置太傅一人錄尚書事

薨輒省之三讓高萬事理應劭漢官云和帝冊曰故太尉鄧彪元功之族三讓彌高今以

彪為太傅錄尚書事百官總已以聽萬事理見上明朝章戒戎事明朝章見中庸注大

戴禮曰天子不惠於庶人不信於諸侯不戒於戎事凡是之屬太傅之任三葉在位百官

總已三葉見趙熹注中又百官總已見三讓注已上太傅事上公元老三公已見叙事

王隱晉書曰王祥字休徵拜太保制曰耆艾元老高行清粹朕所毗倚以崇道宏化安天子諫

王惡尚書云太師太傅太保惟茲三公論道經邦注云太保保安天子於德義周禮保氏掌諫王惡注云

諫者以禮
義正之也
任伊尹
職召公
齊職儀云殷太甲時伊尹為太保周成王時召公為

太保
明允篤誠
高行清粹
晉起居注云太保衛瓘明允篤誠有匪躬之志其給千兵

騎百人
高行清粹見
表陳沈炯為太傅讓表
奏六代之樂不能祈

元老注已上太保事
天具百神之歌無以動聖廷
首帝閣轉增危慄百川沸

騰王室如燬釋位同謀諸侯總至盟書會府餘臣一人
若使幅巾衡巷口絕平吳朝遊赤松暮過濟北出就侯

服入褫龍章則四郊有壘誰守社稷如其雄戟在前強

弩自衛負孺子之圖節緣鵠之鼎軍威重於護將國禮
貴於塞門臣道尚卑軌云非逼臣所以出謝公卿入訓

妻子拜長陵之園謁太祖之廟不以九族違恩義不以
百姓負國家所期陛下與北極同尊朝廷與南山等固
碑周王褒太保吳武公尉遲綱碑
昔者王室藩屏同族謂之宗親列國諸侯

異姓稱為伯舅元勳懿德周崇齊魯之封疏爵疇庸漢
重韓吳之秩司勳載其洪烈典冊備其巖章山甫式列
辟之功紀績庸器莊叔匡成獻之難昭德彛鼎鴻名盛
業公實無馬公命代挺生膺期間出萬華峻極降惟岳
之上靈霜露所均體中和之秀氣寒松擢本且觀後凋
之質貞桂挺生使結冬華之秀固以辰昂膺慶風雲玄
感者馬公柔順內凝英華外發芥藻仁義珪璋令範危
勁之節貫四序而踰秀堅真之操經百鍊而無銷加以
建蒙射法遠中戟枝養由箭神遙穿懸葉巧極將軍之
伎精窮校尉之官及年踰艾服任崇台哀甲第當衢傳
呼啓路不以寵貴驕人每以卑謙自牧易箚之言無忘
寢秦城郢之志終於瞑目銘曰珠角膺期山庭表德出
忠入孝自家刑國人物冠冕彛章表則任屬屯警官職
樞侍行部六條議班三吏逝水詎停光陰不借遽辭述
旅俄悲恒化旌舒夏練棺陳衛幕北郭人稀西山
景落三千不見九原誰作銘茲鼎鼐永傳嵩霍

太尉司徒司空第二

叙

齊職儀云皆古官也

應劭云自上安下曰

尉

魚豢曰太尉掌武事古者兵獄官皆以尉為稱尉

也言兵獄羅罽也言兵獄羅罽奸非又應劭云徒衆也

司徒主人衆也空穴也司空主上

古者穴居主穿土為穴以居人也堯時舜為太尉舜時

契為司徒禹為司空古亦為三公之職其後常以太尉

與大司馬迭置不兩立

有大司馬則不置太尉歷代皆然

周以太師太

傅太保為三公以大司馬大司徒大司空與大司寇大

冢宰大宗伯為六卿至西漢末師傅保之官崇其號為

上公以大司馬大司徒大司空為三公後漢初省大司

馬立太尉與司徒司空為三公

皆除大字

歷魏晉宋齊之後

常然至後周又依周禮以師傅保為三公五代史志云

隋又以太尉司徒司馬為三公歷代皆開府置官屬唐

廢府寮事對上司

亞獻

東觀漢記曰楊震字伯起為太尉性忠誠每諫爭中常侍

樊豐等譖之收印綬歸本郡震到洛陽都亭謂門生曰吾蒙恩居上司奸臣狡猾而不能誅寵嬖傾亂而不能

禁何面目以見日月遂飲鴆而死續漢書曰太尉郊廟掌亞獻大喪告謚南郊

統兵

掌武

續漢

書云太尉一人掌四方兵事課功勳歲盡則殿最而行賞罰馬又漢書曰太尉秦官也掌武事

匪石

斷金

應劭漢官曰沖帝冊書太尉趙峻二世掌樞衡有匪石不二之心又曰三公國之楨幹朝廷取正以

成斷金大司農李固公族之
苗忠正不撓其以固為太尉
兩鹿 **三鱣**
謝承後漢書曰鄭弘為臨

淮太守行春有兩白鹿隨車夾轂而行弘怪問主簿黃
國鹿為吉凶賀曰聞三公車轡畫作鹿明府當為宰相

弘後果為太尉范曄後漢書曰楊震字伯起嘗客於湖
外不答州郡禮命數十年衆人謂之晚暮而震勵志愈

篤後有鶴雀銜三鱣魚飛集講堂前都講取魚進曰凡
鱣者鄉大夫之服象也數三者法三台也先生自此昇

矣後位 **畫鹿轡** **飛鵲印**
畫鹿轡見上博物志云常山
至太尉張顥為梁相天新雨後有鳥

如鵲飛翔稍下墮地人取化為一圓石顥推破之得金
印文曰忠孝侯印顥表上聞藏之祕府顥漢靈帝時至

太尉 **保皇家** **安劉氏**
摯虞隴西王泰為太尉冊曰惟君
行為時表親則宗臣論道經邦保

又皇家是用進登上台漢書云上曰周勃
重厚少文然安劉氏者必勃也可為太尉
主九伐 **齊**

七政

謝靈運晉書曰秦有太尉掌兵漢仍修之或置或省是故司馬之官主九伐之職汝南先賢傳曰陳

蕃拜太尉讓曰齊七政訓五兵臣不如議郎王暢

歎黃憲

舉蔡謨

謝承後漢書曰陳蕃

拜太尉臨朝歎曰黃憲若在不取先佩印綬晉書郝鑒字道徽進祿太尉疾篤舉蔡謨自代

置屏風

賜錦被

謝承後漢書曰鄭弘字巨君為太尉去將弟五倫為司空班位在下每正朔朝見弘曲躬

自卑帝知遂置雲母屏風分陽之由此以為故事又朱寵字仲威為太尉食脫粟飯卧布被朝廷賜錦被梁肉皆不敢當已

邦教

地征

周禮大司徒之職乃立地官司徒使帥其屬而掌邦教以

佐王安擾邦國鄭玄注云所以親百姓訓五品也擾亦安也又曰以土均之法辨五物九等制天下之地征鄭

玄注曰均平也五物五土所生之物也九等驛剛赤緹墳壤渴澤賦瀉勃壤埴壚強藥輕嬰之屬征稅也

五

禮六樂

周禮大司徒之職以五禮防萬民之偽而教之中鄭玄注禮所以節止人之侈偽使其得

中又曰以六樂防萬民之情而教之和
注曰樂所以正人之情思使其心和
度地
辨土
周禮

大司徒之職凡建邦國以土圭土其地而制其域注曰
土其地備言度其地又曰以土宜之法辨十有二土之

名物注曰十有二土分野十有
二邦也上繫十二次各有所宜
七政
五教
常璩華陽

建武之後羣儒修業開案圖緯漢之宰相當出坤鄉於
是司徒李公屢登七政太傅于堅奕代論道尚書帝曰

契百姓不親五品不遜汝作司徒敬敷
五教在寬注曰五常之教務在寬也
夢松
取穗
張

吳錄曰丁固為司徒初為尚書夢松樹生其腹上謂人
曰松字十八公也後十八年吾當為公手遂如夢馬范

暹後漢書曰蔡茂字子禮建武二十年代戴涉為司徒
在職清儉匪懈茂初在廣漢夢在大殿之極上有三穗

未茂跳取之得其中穗輒復失之主簿郭賀離席慶曰大殿者官府之形象也極而有未人臣之上祿也取其

臭

象籌

司馬彪九州春秋曰靈帝賣官廷尉崔烈入錢五百萬以買司徒烈子鈞字孔平亦有時

名烈問曰吾作公天下人謂何如對曰大人少有高名不謂不當為公今登其位海內媿其銅臭烈舉杖擊之

均走烈曰子受父撻而走可謂孝手均曰舜之事父小杖則受大杖則走不陷父於不義烈曰爾以吾為慧賈

耶又王隱晉書曰王戎代王渾為司徒常以象牙籌晝夜計家財遠及田牧性又至儉不能善自奉養飲食通

財不出外天下謂之膏肓疾 **明七教** **修六禮** 禮記曰司徒明七教以興民德又曰司徒

修六禮以 **敷五典** **齊八政** 尚書曰司徒掌邦教敷五節民性 典擾兆民注云敷布也主

國教化布五常之教以安和天下之衆民也
禮記曰司徒齊八政以防淫已上見司徒事
別五土

決九州

家語孔子為司空乃別五土之性而物其所生
之宜魚泰典畧曰禹為司空披九山通九澤次

九州使各以其職來貢
地方五十里至于荒服
作地圖
掌邦事
王隱晉書曰
裴秀字季彥

為司空作禹貢地域圖事成奏上藏於祕府為時名公
禮記曰司空執度度地鄭玄曰司空冬官卿掌邦事也

通九澤

居四民

通九澤見九州注尚書曰司空掌邦
土居四民時地利注曰冬官卿主國

空土以居士農工商四
民使順天時分地利也
造宮室
平水土
鄭玄注考工
記司空掌營

城郭建邦邑立社稷宗廟造宮室車服器械監百工唐
虞以上曰共工尚書曰四岳僉曰伯禹作司空帝曰俞

咨禹汝平水土惟
時懋哉注懋勉也
李通識
王梁符
華嶠後漢書曰李
通字文元以識記

說先武為大司空又曰王梁字君嚴拜大司空赤伏符曰王梁主衛作玄武上以野王本衛地徙玄武水神司空水土之官於是擢拜梁也

赤伏符

素絲節

華嶠後漢書曰王梁為野王令赤伏符曰

王梁主衛作玄武武水神司空水土之官於是擢梁拜大司空晉起居注曰武帝詔鄭哀曰體行純正履道沖粹退有清和之風進有素絲之節宜齊諸政化

德風

荀或家傳曰顛為司空文帝平蜀議復五等表魏朝使公定禮儀中護軍賈充正法律尚書僕射裴

秀議官制公遂刑定舊文行正式為一代之典書成奏上藏於祕府其服色旗幟法駕之式禮樂犧牲柴燎之典禘禘遷毀配食之制及於明堂辟雍之儀皆公所議定朝廷歸其美公既為台輔德望清重加以留心禮教以年者多疾不數朝見詔使侍中任愷諮問政化所宜行否又華嶠後漢書第五倫雖峭直然常以中興已來

二主好更化俗尚苛刻政化之本宜先以寬和及為三公值章帝長者多恕屢有善政倫上疏褒稱盛美因以

勸成德

數月超

百日至

漢書曰朱博字子元以京兆尹數月起為大司空范曄後

漢書曰荀爽固辭徵聘不得已乃讚晉孫綽賀司空循行起家百日至司空已上司空事

像讚

思文公侯誕保休祥素質玉潔華藻金章總角韞德被褐韜光自昔喪亂鉦鼓日震禮樂藏器詩書

蒙塵哲人遐慨垂幙澄神仰觀沫泗揚波絕津方曜金鉉協贊衡機昊天不弔曾不慙遺指紳顏範皇德莫毗

公之云俎

歲後漢崔駰太尉箴

天官冢宰庶察之率師錫有帝命虞作尉爰叶

華喬同悲台極是平國域制軍詰禁王旅惟式九州用綏羣公咸治千戈載戢宿躔其紀上之云據下之云戴苟非其人

戮我帝載昔周人思文公而呂南詠甘棠昆吾崇夏伊摯嘉尚季葉頗僻禮用不匡無曰我強莫余敢喪無曰

我大輕戰好殺紂師百萬卒
又不艾宰臣司馬敢告在際
又司徒箴 天鑿在下仁德

亂茲黎蒸茫茫庶域率上祀
祀民具爾瞻四方是維乾
乾夕惕靡怠靡違敬敷五教
九德咸事盡人用章黔吐

是富無曰爾恃忘于爾輔無
曰余聖以忽執政匪用其
良乃荒厥命庶績不怡疾于
爾祿豐有折肱而鼎覆其

鍊書歌服肱詩刺南山尹氏
不堪
漢揚雄司空箴 普波坤靈
倅天作則

國度斯懋徒臣司農敢告執
藩
分制五服劃為萬國乃立地
官空惟是職茫茫九州都

鄙盈區網以羣牧綴以方候
烈烈雋又翼翼王臣臣當
其官官宜其人九一之政七
賦以均昔在季葉班祿遺

賢培克充朝而象恭滔天匪
人斯力匪政斯救流貨市
寵而苞苴是嚮王路斯燕孰
不傾覆空臣司土敢告在側
章宋謝莊北中郎謝兼司

徒章 臣聞變理陰陽寅亮
天地不惟其官無人則闕司
徒掌教五典職授兆人豈悟
乾靈罔遁光溼方闕

不次之任殊絕藩岳豈可權尸三事假備六符慙震周迴顧步交悖碑後漢蔡邕楊太尉

碑銘曰

天監有漢誕生元輔代作三事勳在王府乃及伊公克光前矩悉心畢力脩其祖武化洽羣生

澤雷區宇

墓誌梁沈約齊太尉文憲王公墓誌銘曰

德備九官功包十亂

帝圖必舉王猷借煥斯謂國楨是惟民幹朝翔禮園優游文館祕義烟涵瓌辭雨散揆路揚輝台庭改觀方翊升平燮茲天綱福履每愆降年多爽徵言永謝庶察誰仰

尚書令第三事尚書秦置也

尚書曰龍命汝作納言詩云仲山甫出納王命王之

喉舌並尚書之任也周官有司會鄭玄注若今尚書耳天文志斗魁六星曰文昌宮荀綽云尚書是謂文昌天府也蕭望之云尚書百官之本後漢李固上書云國家有尚書猶天有北斗主為喉舌斟酌元氣

漢官

云初秦代少府遣吏四人在殿中主發書故號尚書尚

猶主也漢因秦置之

漢猶隸少府魏晉已後政歸臺閣則不復隸矣

故尚書為

中臺謁者為外臺御史為憲臺謂之三臺齊職儀云魏

晉宋齊並曰尚書臺五代史志云梁陳後魏北齊隋則

曰尚書省唐龍朔二年更名中臺咸亨初復為尚書省

光宅初更名文昌臺長安初又為中臺神龍初並復舊

為尚書省案尚書令秦官漢因之漢官云漢初並用士

人為尚書令秩二千石

至漢武帝別置謁者令用宦者
遂省尚書官成帝罷中書官更

以士人為尚書令而總
為臺主主贊奏典綱紀

又東漢與司隸校尉御史中丞

皆專席坐京師號曰三獨坐也晉公卿禮秩云尚書令

拜則冊命薨則於朝堂發哀五代史百官志云尚書令

至梁加秩中二千石

漢官云尚書令秩千石公為之增至二千石秦漢秩有比二千石二千石

中二千石真二千石凡四等比二千石月得粟百石二千石月得粟百二十石真二千石月得粟百五十石其三等雖號二千石其數實不至也唯中二千石月得粟百八十石率一歲得二千一百六十石中猶滿也言其滿二千石

然則古三石唯今一石耳

至陳加品至第一其後並因之而不改

自魏

已來尚書令品並第三

事對中臺上省

中臺見敘事十洲記曰崇禮門在東掖門內路

西即尚書上省崇禮門東建
禮門內即尚書令下舍之門
天府 仙臺 荀緝晉百官表注曰尚書

為文昌天府司馬彪續漢官志云尚書省在神仙門
內上苑和劉尚書詩曰客館動愁光仙臺起寒霧 天

閣 禮闈 宋元嘉起居注曰尚書左丞袁瑒啓領曹郎
中荀萬秋每故事綠私遊肆其所之豈可復

參列士林編名天閣請免萬秋所居官李充
懷愁賦曰在中秋之過夜今直崇禮之禁闈 天臺 畫

省 傳玄蒼卞壺詩序曰尚書左丞殫八座以下居萬事
之會斯乃皇朝之司直天臺之管轄蔡質漢官典職

曰尚書奏事於明光殿省 司會 文昌 周禮天官司會
中畫古烈士重行書讚 之職鄭玄注曰

會大計也司會主天下之大計計官之長
若今之尚書矣文昌事已見天府注中 出納詔命

通掌圖書 漢官解詁曰尚書出納詔命齊衆喉舌司馬
彪續書曰成帝建始四年罷中書官初置

尚書員五人一人為僕射分為四曹通掌圖
書祕記章奏各有曹任已上總載尚書都省
八座 三

獨續漢書曰光武帝分增三公曹為二曹其一曹主歲
終考課諸州郡事改常侍曹為吏曹主選舉祠祀民

曹主繕修功作鹽池苑囿客曹主歲駕羗戎朝賀二十石
曹主辭訟中都官主水火盜賊與三公為六曹并令僕

二人謂之八座
三獨見敘事 專席 迴車 應劭漢官曰尚書令秦官
銅印墨綬司隸校尉御史

中丞尚書令皆專席生京師號曰三獨生言其尊重魏
文帝嘗幸至尚書門尚書令陳矯跪問陛下欲何之帝

曰欲案行文書耳矯曰此臣職分非陛下所宜臨也帝
聽迴車而返漢官云尚書官出百官寮皆迴車避也

黑輅 絳服 徐廣車服儀制曰尚書令輅車黑耳後戶
齊職儀曰尚書令品第三秩千石絳幘朝服

佩水 方峻 博朗 續漢書曰陳蕃性方峻徵為尚書令
蒼玉 晉中興書曰刁協遷尚書令詔曰尚

書令協抗志高亮才

在位肅

舉朝憚

張璠漢記曰左
雄為尚書令限

鑒博朗朕甚嘉之
年四十九試經然後舉孝廉故雄為今在位者各自爾
晉中興書曰卞壺為尚書令司徒王導稱疾不朝壺奏

導專任無敬事寢
不行舉朝憚壺

納言憤

進賢冠

荀焯晉百官表注
曰尚書令銅印墨

綴五時朝服納言憤又曰尚
書令進賢兩梁冠佩水蒼玉

黑耳車

彤管珥

徐廣車
服儀制

曰尚書令軺車黑耳後戶應璩新
詩曰彤管珥納言貂璠表武弁

明習故事

識了舊

典東觀漢記曰樊淮字幼清為尚書令明漢家故事熊
逸啓曰伏見吏部以太尉荀組為尚書令領豫州組

朝之素望識了
舊典不應處外

文陳後主授江總尚書令冊文

夫文昌
政本司

會治經韋彪謂之樞機李固方之斗極况其五曹斯綜
百揆是諧同冢宰之司專臺閣之任惟爾道業標峻宇

量弘深勝範清規風流以為準的儒宗學府衣冠以為
領袖故能師長六官具瞻允塞明府八座儀形載遠其
端朝握揆朕所望焉往欽哉懋建
爾徽猷亮采我邦國可不慎歟

箴晉摯虞尚書令箴

明明先王開國承家作制垂憲仰觀列曜俯令百官政
用罔愆昔舜納大麓七政以齊內成外平而風雨不逮
山甫翼周靡剛靡柔補我哀職闡我王猷王猷允塞而
四海咸休雖曰聖明必賴良材無曰我智官不任能發
言如絲其出成綸三季道缺天網縱替既無老成改
舊法制法制不修不長厥裔尚臣司臺敢言侍衛

啓

隋江總除尚書令斷表後啓

司會化本冢宰朝端搢紳
所屬儀刑攸在皇世以來

無人則闕陛下將備厥職用務臣僚不容始自庸菲以
謹物議當今藩翰至戚不無其人廊廟重臣亦有其器
復願慎俞往之則闡平章
之道公心布歟有理存焉

僕射第四叙僕射秦官僕主也古者重武故官曹之長

主領其屬而習於射事也

漢書百官表曰自侍中尚書博士郎軍屯史騶宰丞卷皆

有僕射隨所領之事以為號若尚書則名曰尚書僕射

漢因秦本置一人至獻帝

以執金吾榮邵為尚書左僕射分置左右蓋始於此秦漢秩六百石公為之增至二千石至梁加秩中二千石

自魏以來品第三至陳加品第二自魏晉以來省置無恒置二則左右僕射或不兩置曰尚書僕射自東晉以來祠部尚書多不置以右僕射主之若左右僕射並廢

則置尚書僕射以掌主左事置祠部尚書以掌右事然則尚書僕射與祠部尚書不恒置矣

已上出齊職儀及五代百官志

唐

龍朔二年改左右僕射曰左右匡政咸亨初復舊光宅初改為左右相神龍初復舊開元初又改曰左右丞相

事對蒼玉 皂襜

晉百官表注曰僕射一人銅印墨綬五時朝服納言憤進賢冠佩水蒼玉

官品第三休月四十五石東觀漢記曰鮑永字君長拜僕射行將軍事將兵安集河東永好文德雖行將軍常

皂襜路稱 鮑尚書兵

排閤

曳履

鍾離意別傳曰意為尚書僕射其年匈奴來降詔賜練三百疋

尚書侍郎暨鄴受詔誤以三十疋賜匈奴詔大怒鄴欲死意獨排省閤入諫明帝以合大義意損怒消帝謂

意曰非鍾離尚書幾誤降威於此即漢書曰鄭崇字子游為尚書僕射數求見諫爭上初納用之每見曳革履

上笑曰我識清恪忠允先賢傳行狀曰毛玠字孝先鄭尚書履聲清恪為尚書僕射在官清恪晉起

居注曰尚書高陽王珪忠攝百揆副端右謝靈運晉允善政以珪為右僕射

重武事賁射御取其捷御如僕各置一人尚書六人謂之八座丞攝百揆出納王命古元凱之任也何法盛晉

中興書曰顧和為尚書僕射以老母固辭詔勅諭特聽暮出朝還其優遇如是尋朝議以臨端右之副不宜處

於外更加銀協宣庶績總統留事晉起居注曰太康青光祿大夫

置左右僕射所以恢演政典協宣庶績魏志曰桓範薦徐宣為僕射後加侍中光祿大夫車駕幸許昌總統留

事帝還主者奏呈文書詔曰國之司直官之師長志吾省與僕射何異竟不視

曰毛玠字孝先為尚書僕射時太子未定立臨苗侯植有寵玠諫曰近袁紹以嫡庶不分覆宗滅國廢立大事非所宜聞會玠起更衣太祖謂曰國之司直我之周昌又曰文帝時欲以賈詡為僕射曰尚書僕射官之師長天下所望詡名素不重非所以服人

五遷四辭

二龍雙驥

范曄後漢書曰胡廣字伯

始五遷尚書僕射王隱晉書曰荀顛代陳泰為僕射領吏部四辭而後受張詮南燕書曰慕容德以右僕射封嵩為左僕射尚書韓諱為右僕射時嵩諱並年三十又以嵩弟融為西中郎將諱弟軌為東中郎將嵩等俱拜帝臨軒詔令四人同入嵩等升殿方謝帝顧曰躍二龍於長衢騁雙驥於千里朝野榮之

詩梁任彥

昇出郡傅舍哭僕射詩

平生禮數絕式瞻在國楨一朝萬化盡猶我故人情待時

屬興運王佐俟人英結徽三十載生死一交情攜手適衰孽接景事休明運阻衡言革時泰玉階平瀆沖得茂

彦夫子值狂生伊人有涇渭非余揚濁清將乖不忍別
欲以遣離情不忍一辰意千齡萬恨生已矣平生事詠
歌盈篋筍兼復相嘲謔常與虛舟值何時見范侯還叙
平生意與子別幾辰經塗不盈旬弗覩朱顏改徒想平
生人寧知安歌日非君撒瑟
辰已矣奈何歎輟春哀國均
任希古和左僕射燕公春

日端居述懷詩

豐野光三傑媯庭贊五臣綈細歌美譽
絲竹詠芳塵聖歷開環象昌年降甫中

高門非捨築華構豈垂綸鳳邸搏霄翰龍池躍海鱗玉
鼎昇黃闕金章謁紫宸禮闈通政本文昌總國均調風
振薄俗清教正彝倫星迴應綬管日御警寅賓葉上曾
槐變花發小堂春思挂東都冕言訪北山中赫赫容臺
上千祀
趙彥昭奉和悼右僕射楊再思詩
兩揆光天秩
三朝奉帝熙

耀平津

趙彥昭奉和悼右僕射楊再思詩

兩揆光天秩
三朝奉帝熙

何言集大鳥忽此喪元龜坐歎公槐落
行聞宰樹悲壘舟今已去寧有濟川時
表陳徐陵讓左

僕射表

臣聞七十之歲揚雄擬經六十之年半津對策若斯強壯固無耆老臣勵則青華軒冕才允卿

相出納流譽朝野具瞻臣弘正國老儒宗情尚虛簡玄風勝業獨王當年臣重器懷沉密文史優裕東南貴秀朝廷親賢並見壯猷皆宜左執若漢武好少則微臣已老若周文愛老則有此羣才伏願天明更謀梓匠求其妙選稱陳江總讓尚書僕射表
藻鏡官方品裁人物門是能官驚如市不慙屋漏心抱如水無欺暗室但屢淹星鳥每知忝素世網拘束事歸僂俛今此召會尤增據蒞竊以端揆副職官稱師長革履升降傳呼寵赫儀刑朝首冠冕彞倫兼復參綜衡流匡佐聖治妄膺重責必踐危機

諸曹尚書第五

市叙

諸曹尚書秦官也漢因之並用士人

武帝改用宦者成帝又改用士人

漢書云武帝遊宴後庭公卿不得入故用

官者與尚書

置列曹尚書四員通掌圖書章奏之事各有其

任

一曰常侍曹二曰二千石曹三曰民曹四曰客曹

光武分為六曹

分二千石曹為二分

客曹為二改常侍曹為吏部曹

并一令一僕射謂之八座魏有五曹與

二僕射一令謂之八座

魏有吏部左民客曹五兵度支凡五曹尚書

晉有六

曹

晉初置吏部三公客曹駕部屯田度支六尚書太康中有吏部殿中五兵田曹度支左民六尚書東晉有

祠部吏部左民度支五兵五尚書

宋有六曹

宋加東都官尚書

齊梁陳六曹

齊

名同宋氏後魏北齊六曹

後魏北齊有吏部殿中祠部七兵都官度支

後周依周

禮置六官尚書之任隋氏六曹

隋有吏部禮部兵部都官度支工部開皇三年

改度支為戶部都官為刑部是也

唐六曹

初置民部餘同隋氏貞觀末改民部為度支尋復改為戶

部龍朔二年改尚書為太常伯改吏部禮部戶部兵部刑部工部為司列司禮司元司戎司刑司平則天后又

依周禮六官也

初宋齊梁陳四代復有起部尚書營宗廟則權

置畢則省

已上並漢官齊職儀及五代史百官志

事對再昇

周歷

謝承後漢

書曰魏朗字仲英入為尚書再昇紫微、審諤、禁省、不屈、豪右為百寮所服以黨事免朗性矜嚴閉門整法長吏希見動有禮序室家相待如賓子孫如事嚴君焉又曰蔡邕字伯喈以治書御史遷尚書三月之間周歷三臺

遷侍

委珠

賜劍

謝承後漢書曰鍾離意字子阿明帝徵為尚書交趾太守坐贓伏法以資

物簿入大司農詔班賜羣臣意得珠璣悉以委地而不拜帝怪問其故對曰臣聞孔子忍渴於盜泉之水曾參

迎車於勝母之鄉忌其名也賦穢之寶不敢拜帝笑曰
清手尚書賜錢三十萬東觀漢記曰章帝賜尚書劔各
一手署姓名韓稜楚龍淵邳壽蜀漢文陳寵濟南劔成
一室兩刃其餘皆平劔其時論者以為稜淵深有謀故
得龍淵壽明遠有文章故得漢文寵敦朴有善
於內不見於外故得劔成劔皆因名而表意 **白衣**

文劔

後漢書曰鄭均字仲虞為尚書澹泊無欲以病乞
骸骨終不肯起章帝車駕幸均舍勅賜尚書祿終

其身時人號曰白衣
尚書文劔已見上

歷三臺

任七年

歷三臺見周歷
注晉書杜預為

度支尚書在內七年損益
萬事酬酢詰詖不可勝記

賜劔成

封廣武

華嶠後漢
書曰陳寵

字昭公以德行明敏入為尚書寵性周密常稱人臣之
義苦不畏慎自在樞密謝門人不復教拒知友時賜寵
劔得劔成劔以其敦朴晉書曰張華為度支尚書決勝
綠江地近萬里始羊祜謂所親曰終吾事者唯當華耳

卒如祐言封
廣武縣侯
酬酢詔
嘉謀良圖
酬酢詔見任七年注晉書云山濤

轉尚書表辭才下年老詔曰方
今多事嘉謀良圖委以老成也
朱穆正直
黃琬方毅

謝承後漢書曰朱穆為尚書讚言正直
續漢書曰黃琬方毅廉貞為侍中高書
詩宋顏延年直

東宮答鄭尚書詩

皇居體宸極設險祇天工兩關阻通軌對禁限清風跋子旅東館徒歌屬

南墉寢興鬱無已起觀辰漢中流雲霧青闕皓月鑿丹宮
踟躕清防密徙倚恒漏窮君子吐苦訊感物惻余衷

惜無丘園秀
景行彼高嵩
隋劉斌和許給事傷牛尚書詩

名臣不世出百工之

所未况乃非常器遵逢興運秋符彩照千里銓衡綜九流
經綸資博物樽俎寄皇猷韶濩傾復理典禮素還修
雖貞棟梁任兼好藝文游貯聞和鼎實行當奉介丘高
衢翻稅駕閱水遽遷舟傳呼更何日曳履聞無由歸魂

毓脩路征棹艤邪溝林薄長風慘江
上寒雲愁夜臺終不曙遺芳徒自留

崔駟戶部尚書挽

歌詩

八座圖書委三臺章奏盈舉杯常有勸曳履忽無
聲市若荊州罷池如薛縣平空餘濟南矧天子署

高名制唐中宗授李承嘉戶部尚書制

門下紫極八座非
德勿居丹屏六曹

惟賢是擇金紫光祿大夫李承嘉靈襟峻嶷識宇嚴明
早聞通德之名夙有大臣之望雄材逐日共騏驥而齊
颺迅翼搏風與鸞鴻而並翥栢臺憲府高膺弄印之榮
芝甸神州獨著題輿之任堅同白玉直若朱繩臺閣風
生權豪氣懾洪材可重茂秩須崇
宜加曳履之班式獎從橋之對
又授張錫工部尚書

制

明光晝省務總樞要建禮仙門職惟喉舌尚書左丞
張錫白虹良寶紫電雄鋒家傳鶴印之祥世襲貂冠

之緒文過吐鳳思解騰蛟質映南金材逾東箭自提綱
左轄立帷中臺奏郭奕而無慙射在洪而不愧紫樞佇

俊彤管須賢宜升賜劔
之榮式表委珠之潔

後漢繁欽尚書箴

龍作納言
帝命惟允

山甫翼周實司喉吻赫赫禁臺萬邦所廷無曰我平而
慢爾衡無曰我審而怠爾明四岳阿諂績用不成虞登
八凱五教聿清舉涉其私乃忝服榮正直是與伊
道之經先人匪懈永世流聲君子下問敢告侍廷

蕭子範為兄宗正讓都官尚書表

納言之投皇命所由
五星懸暉差池紫宮

之曲百官根本聯曹建禮之門孔蔡該博垂芳於兩京
陳鍾令才比肩於魏代
逝望前英俯循庸薄義無尸素
理絕
祇奉

吏部尚書第六

叙

吏部尚書者初漢成帝置列曹尚書

四人其一曰常侍曹主丞相御史公卿事後漢初光武

改常侍曹為吏部曹主選舉齋祠事後漢末改為選部
曹魏代又為吏部曹專掌選職右於諸曹尚書至宋置

二吏部尚書尋復省一人

沈約宋書云初晉世散騎常侍選望與侍中不異其後職

任閒散用人益輕宋孝武欲重其選以吏部尚書任重遂分吏部置二人以輕其任蔡興宗謂人曰選曹要重常侍閒淡改之以名而不以實雖主意欲為輕重人心豈可變自漢及魏授此職者或

云吏部尚書若授諸曹尚書直云尚書

漢魏晉世若授吏部者即云以

某為吏部尚書若授他曹云某為尚書至晉宋齊已後始云某授工部刑部五兵度支等尚書耳

故歷

代職官之書皆別紀吏部尚書不與諸曹同今書做此

云並出漢官齋職儀及五代史百官志事對銓衡 品藻何法盛晉中書曰吳隱之字興

處默少有孝行與太常韓康伯隣居隱之母亡每哭

伯母輒泣涕悲不自勝既而語康伯曰汝後若居銓衡

之職當用此人及康伯為吏部尚書因進用之遂歷清

望又李重為吏部尚書箴序曰重忝曹郎銓管九流品

藻清濁雖祇慎莫知所寄題才 著箴裴顛謝吏部尚書表曰臣

李重集曰重為選曹尚書著選無鑿察之譽長無題與之才

曹箴置之左右以明審才之官 庭牧馬 閣聚書王隱

曰鄧攸為吏部尚書當時清靜內外肅然牧馬於家庭

妻息素食不受一錢沈約宋書曰少帝即位蔡廓為吏

部尚書不肯拜乃以王惠代馬被召即拜

未嘗接客人有與書求官者輒聚於閣上 考簿世 調

門戶 習鑿齒晉陽秋曰初陳羣為吏部尚書制九格登

用皆由於中正考之簿世然後授任王隱晉書曰

初學記 干

王戎為左僕射領吏部尚書自戎居選未嘗進一寒素
退一虛名理一寬枉殺一直嫉隨其沉浮門調戶選好
營生廣收八方園田水碓周
遍天下聚斂積實不知紀極
清通簡要
祇慎廉平

劉義

慶世說曰王濬冲裴叔則二人總角詣鍾士季須臾去
後客問鍾曰二童是誰鍾曰裴楷清通王戎簡要後二
十年此二賢當為吏部尚書冀爾時天下無滯才又李
重選曹尚書箴序曰重忝曹郎銓管九流品藻清濁雖
祇慎莫知所寄虞預晉書曰盧欽字子若少好
學為尚書僕射領吏部清實選舉稱為廉平
箴晉傳

玄吏部尚書箴

明明王範制為九秩君執常道臣有定
職貴無常尊賤不恒卑不明厥德國用

顛危昔舜舉禹咎繇而俊入在官湯舉阿衡而不仁流
屏且表正而象平日夕而景側處喉舌者患銓衡之無
常不忠於不明故曰無謂隱微廢公任私無好自專違
衆取怨是以古之君子無親無疎縱心大倫修己以道

弘道以身易貴好爵書慎官人官不可妄授職不可闕
受能者養之致福不能者獎之招咎衡臣司書敢告左
右
表梁沈約為褚炫讓吏部尚書表
竊惟玄素未辨必
繆朱紫之察規矩

或昧理喪方圓之功東西兩漢左雄孤絕於前南北二
晉山濤莫嗣於後良由性藏於貌才隱乎心楚越無以
况其迴殊山川未足方其險阻雖復控暗為
明勉愚生智亦何以登奇拔異離渭分涇
張纘讓

吏部尚書表

漢革民曹魏仍東掾毛孝先以清公見美
盧子若以貞固任職降及晉世希覩其人

樂彥輔雍容自守當時恨其寡譽山巨源意在拔奇不
免與世沉浮鄧攸牧馬家庭何益止競之操十壺如含
瓦石未聞
檢裁之功
陳江總讓吏部尚書表
切以漢置五曹方今
六尚魏隆八座擬古

六卿近喻喉舌遠譬樞斗如東京許
郭西晉裴王仰首仲眉可得而論矣

左右丞第七叙尚書丞秦官也漢因之至成帝分置列

曹尚書四員便置丞四人至光武減其二唯置左右二

丞丞承也言丞助令僕總理臺事尚書令與左丞總領

紀綱僕射與右丞掌稟假財穀魏晉以來左丞得彈奏

八座故傅咸云斯乃皇朝之司直天臺之管轄是也

宋書

百官志曰晉宋之世左丞主臺內禁令宗廟祠祀朝儀
禮制選用署吏糾彈不法右丞掌臺內庫藏廬舍凡諸
器用之物及刑獄兵器自漢魏以來品皆第六秩四百石梁加品

第四秩六百石

出齊職儀及五代史百官志

唐龍朔二年改為左右

肅機咸亨初復舊事對紀綱

管轄

蔡質漢官典儀曰尚書左丞凡臺中

紀綱皆無所不總又傳咸答辛贍詩序曰尚書左丞彈八座以下居萬機之會斯乃皇朝之司直天臺之管轄

余前為左丞具此職之要後

司直 準繩

司直見管轄注中傳暢諸

公讚曰許奇字子泰為尚書左丞有準繩操

解交

增秩

漢官儀云漢制八座丞郎初拜並集

都座交禮違又解交續漢書云黃香拜尚書左丞功滿當遷和帝詔留增秩後拜尚書遷僕射

百寮憚

三臺清

王隱晉書曰郡弘始為尚書郎轉左丞在朝為百寮所憚後坐泄事免又曰劉恢字長升

為尚書左丞正色在朝

彈八座

肅三臺

彈八座見管轄注肅三臺

見三臺

奏郭奕

彈崔洪

王隱晉書曰傅咸為尚書左丞時尚書郭奕咸故將也累

辭疾病不起復不上朝又自表妹薨乞出臨喪詔書聽許咸舉奏之又曰郡統為尚書左丞推奏吏部尚書崔洪洪曰舉說丞而還奏我此謂挽弩自射說曰趙宣子任韓厥為司馬而厥以軍法戮宣子之僕崔侯為國舉才我以才見舉唯官是視各明至公何故

其言乃至於此也洪聞而悅服之

掌威儀 **主財用**

續漢書百官志曰左丞掌錄尚書吏人上章百官威儀漢官典儀曰右丞與僕射掌稟假錢穀諸財用

詩

梁沈約和左丞庾杲之移病詩

歲暮豈云聊叅差憂與疾匪幹孰能賜持身固

無述握蘭空盈把待漏終不溢囂喧滿眼前簿領紛盈膝安用談天辨徒勞夢賜筆挂冠若東都山林寧復出

侍郎郎中員外郎第八

叙 **案侍郎隋煬帝置也郎**

中秦官也員外郎隋文帝置也初西漢置尚書郎

四人

一人主匈奴單于營部一人主羗戎吏民一人主戶口墾田一人主錢帛貢獻委輸

光武

分尚書為六曹每一尚書則領六郎凡三十六郎焉

秦初置郎中令

領諸郎之在中書者而為之令長也漢武改名光祿勳

其屬官有

三署

五官中郎將左中郎將右中郎將凡三署也

署中有郎中侍郎無員多

至千人分隸三署主執戟侍宮殿出則充車騎漢因之

郎中秩比三百石侍郎比四百石以其為郎居中故曰郎中以其為郎內侍故曰侍郎

漢官云尚

書郎初從三署郎選詣尚書臺試每一郎缺則試五人

先試牋奏初入臺稱郎中滿歲稱侍郎故郎中侍郎之

名猶因三署本號也

西漢言郎者多非尚書郎唯田蚡少為諸曹郎是也其文帝時馮唐

為郎中署長直不疑盜同舍郎金武帝時顏駟為郎三世不遷成帝時揚雄為侍郎及諸言以貨為郎父任為郎皆三署郎至東漢猶難分有尚書及曹名冠首者即尚書郎直言為郎亦三署郎魏以後即無三署郎自

漢以來尚書諸曹郎中侍郎或不兩置

或惟置郎中或唯置侍郎然二

者亦通為尚書郎

後漢兩置有郎中侍郎魏晉宋齊後魏北齊

惟有郎中梁陳兩置有郎中侍郎

五代史志云梁尚書郎初入臺稱郎中功

高者轉為侍郎陳氏依梁制案前代郎中侍郎兩置者侍郎今郎中之任郎中即今員外郎之任若唯置郎中亦今郎中之任隋文帝開皇初唯置侍郎

亦尚書郎也隋氏韓中不置郎中唯置侍

郎為尚書郎耳尋又每曹置一員外郎煬帝各於六尚書曹置

六侍郎增品第四以貳尚書之職今六司侍郎其諸曹侍郎

直曰郎除侍字曹別置二郎尋又每曹省一郎而加承務

郎一人當開皇員外之職唐又改為郎中又依開皇每

曹置一員外郎隋室諱中故直稱郎唐初復曰郎中以

事對應宿 覩天華嶠後漢書曰館陶公主為子求郎

上應列宿非其人則民受其殃王隱晉書曰樂廣為尚

書郎與何晏郎颺等談構術唯見而奇之曰常恐微言

將絕今復聞之命諸子造馬謂曰此人之水起草題

鏡也每見此人瑩然猶披雲霧而覩青天也

初學記

五

柱

漢官儀曰尚書郎主作文書起草晝夜更直五日於建禮門內三輔決錄注曰田鳳字李宗為尚書郎容

儀端正入奏事靈帝日送之因

趨墀

伏省

應助漢官儀曰尚書

題柱曰堂堂乎張京兆四郎

郎含難舌香伏奏事黃門郎對揖跪受故稱尚書郎棟香握蘭趨走丹墀拏虞三輔決錄曰馮豹為尚書郎每

奏事未報常伏省闈下或自昏

持被護衣

持被見伏省注中應

至明天子默使人持被覆之助漢官儀曰尚書郎入直臺廟中給女侍史二人皆選

端正妖麗執香爐香囊燒薰護水服奏事明光殿省省中皆以胡粉塗

覆錦

含香

蔡質漢官典職曰尚書郎給青練白綾被或以錦被

壁丹朱漆地

無雙

第一

東觀漢記曰黃香知古今記犀趨墀注中書無不涉獵兼明圖讖天官星

氣鍾律歷算窮極道術京師號曰天下無雙江夏黃童

京師貴香裝其聲名更饋衣物拜尚書郎司馬彪續漢

書曰胡廣字伯始舉孝廉試
為天下第一旬月拜尚書郎
三年五日蔡質漢官典

初從三署詣臺試初上臺稱守尚書郎中滿歲稱尚書
郎三年稱侍郎又曰尚書郎夜更直五日於建禮門內

給清縑白綾被或以錦被哀烏位明時郎漢書天文志曰南宮十五星

上應列宿即此也漢官儀云郎見左右丞對揖無敬
稱曰左右君丞郎見尚書執版對揖稱曰明時郎更直建

禮入奏明光更直建禮見上起草注兼理兩曹奏

事三世續漢書曰胡伯始旬月拜尚書郎兼理兩曹轉

閣典職十年奏事左丞又曰徐昉為尚書郎性惟周密畏慎在臺

三世未嘗有過詩晉陸機贈尚書郎顧彥先詩朝遊

城夕息旋直廬迅雷中霄激驚電光夜舒玄雲拖朱閣
振風薄綺疏豐注溢修甯潢潦浸階除停陰結不解通

衛化為渠沉稼湮梁頴流民所
荆徐春言懷桑梓無乃將為魚
梁沈約悼齊故吏部郎

謝朓詩

吏部信才傑文鋒振奇響調與金石諧思逐風
雲上豈言凌霜質忽隨人所往尺璧爾何克忽

此同
丘壤唐蘇味道在廣州聞崔馬二御史並拜臺郎詩

振

齊飛日邊鷺遠聽聞明光共待漏清覽各披雲喜得廊

廟舉嗟為臺閣分故林懷栢悅新握阻蘭薰冠去神羊

影車迎瑞堆羣遠從
南斗外選仰列星文
沈佺期酬蘇味道玄夏晚寓直省

中詩

並命登仙閣分宵直禮闈大官供宿膳侍史護朝
衣卷慢天河入披庭月露微小池殘暑退高樹早

涼歸冠劍無時釋軒車待漏
飛明朝題漢柱三署有光輝
表梁陸倕拜吏部郎表

銓

庶品歷選名實阮成貞素屢薦未登陸亮忠心裁居殿職
自非李重清識李穀恬正則何以區分管庫式鑒胥史

中書令第九

事叙

中書令漢武所置出納帝命掌尚書奏

事蓋周官內史之任

周官內史掌王之八柄

初漢武遊宴後庭公

卿不得入始用宦者典尚書通掌圖書章奏之事

初秦代少

府遣史四人在殿中主發書謂之尚書尚猶主也漢由之初用士人武帝改用宦者

其後遂罷尚

書改置中書謁者令盡用宦者故沈約宋書百官志云

中書本尚書官是也謝靈運晉志云以其總掌禁中書

記謂之中書漢武時司馬遷被腐刑之後為中書令則

其職也漢書不言謁者史省文也

其官本名曰中書謁者今漢書直云遷為

中書今是史省文也宣帝時弘恭坐腐刑累遷為令明
習文法勢傾內外然恭死石君房亦坐腐刑代為令

至成帝置尚書官改中書謁者令所掌非盡權要舊任

也蓋直為禁中宦者之職非掌朝廷要事也故謝靈運晉書云漢成帝已後

無復中書之職是也東漢初亦無其官至獻帝時魏武

為魏王置祕書令此又中書之任也以其中書通掌圖書祕記之事故以

祕書為名魏文改祕書令為中書令以祕書右丞孫資為中

書令魏晉以來皆置一人品第三妙選文學通識之士

為之掌王言江左更重其任多以諸公兼之古者宰相本是三公

至魏晉中書令掌王言才望既重多以諸公兼之近
世以來若三公無其人則闕而中書令當宰輔之任近

世始專其職隋文帝改為內史令置二人

隋室諱中依
周官改為內

史漢武置中書有令有僕射宣帝時弘恭為令石君房
為僕射恭死石代為令至魏武置祕書令魏文改祕書
令左丞為中書令又置監一人當僕射之職首以祕書
右丞孫資為中書令左丞劉放為中書監歷晉宋齊梁
陳北齊後魏皆置中書監位在
今上至隋省之故令置二人焉

煬帝改為內書令

已上
並出

漢官及齊職儀并
五代史百官志

唐初又為內史令武德三年復為中

書令龍朔二年改為西臺右相咸亨初復舊光宅初改
為鳳閣內史神龍初復舊開元初改為紫微令五年復

舊事對龍池

雞樹

十伯玉中書郎詩曰大方信包含優渥遠不已躍鱗龍鳳池揮翰紫

宸衷郭頌魏晉世語曰劉放孫資共典樞要夏侯獻曹肇心內不平殿中有雞棲樹二人相謂此亦久矣其能

復幾指謂中書監

西掖

右曹

劉楨贈徐幹詩曰誰謂相去遠隔此西掖垣所

限清切禁中情無由宣應劭漢官儀曰左右曹受尚書事前世文士以中書在右因謂中書為右曹又稱西掖

紫宸 清禁

紫宸見龍池注清禁見西掖注

西省

內樞

何法盛晉中興書曰范甯

拜中書侍郎專掌西省宋泰始起居注曰王言之職總司清要中將軍丹陽尹王景文夙尚弘簡情度淹粹忠

規茂績實宣國道宜兼管內樞以重其任可中書令

掖垣

綸閣

劉楨詩誰謂相去遠隔此西掖

垣所限清切禁中情無由宣禮記曰王言如絲其出如綸王珉直中書詩云高閣臨雲日險岑仰天居又中書

職掌綸詰前代
詞人因謂綸閣
雞棲樹
麟躍池
雞棲樹見難樹注
躍池見龍池注已上

總載中
專車
奪池
曹嘉之晉記曰中書監令常同車
入朝至和嶠為令而荀勗為監嶠

意強抗專車而坐乃使監令異車自此始也又曰荀勗
自中書監遷尚書令人賀之勗曰奪我鳳皇池何賀之

有
隔坐
奕世
吳錄曰紀隲字子上景皇時隲父亮為
尚書令隲為中書令每朝會詔以屏風

隔其坐宣城記云隔以雲母屏又晉陽秋曰王獻之為
中書令獻之少而標邁不循常貧為一時風流之冠獻

之卒以王珉為中書令世謂之大王今小王令也珉
父洽又嘗為此官珉復繼之時人以為奕世令望

士
勝會
檀道鸞晉陽秋曰温嶠上疏曰臣才短學淺
文疏不通中書之職酬對無方斟酌輕重豈

唯文疏而已自非望士良才何可妄居斯任累辭而止
又王獻之少而標邁不循常貫而撮其勝會故為中書

大... 初學記 夫

今 典詔命

宣國道

沈約宋書曰傅亮永初元年為太子詹事中書令直中書專典詔命

宋泰始起居注曰二年詔曰王言之職總司清要丹陽尹王景文夙尚弘簡情度淹粹忠規茂績實宣國道可

中書

參時務

典史書

王珉別傳曰珉字季琰詔曰王珉才學廣瞻義理精通宜處樞

近以參時務其以珉為長史兼中書令晉

立為頌

共講

文

崔鴻後趙錄曰徐光字季武頓丘人幼有文才年十三王陽攻頓丘掠之而令主林馬光但書往作詩賦

左右以白勒勒令召光付紙筆光立為頌賜衣服遷為中書令何法盛晉中興書曰王洽字敬和明帝曰敬和

清才貴令昔為中書郎吾時尚小數呼見意甚親之今以為中書令共講文章

貴幸傾朝

尊

寵任職

漢書曰石君房與弘恭皆少坐腐刑為黃門以選為中尚書宣帝時任中書官以恭為令君房

為僕射恭元君房代為令貴幸傾朝百寮皆敬
才學廣
事又曰司馬遷腐刑之後為中書令尊寵任職

瞻 文旨清遠

才學廣瞻見叅時務注檀道鸞晉陽秋
曰肅祖欲以温嶠為中書令手詔曰卿

以今望忠允之懷著於周旋且文清
意性調美 情度
而旨遠宜居機密今以卿為中書令

淹粹

薛瑩條列吳事曰胡冲意性調美心趣解暢有刀
筆闕於時事為中書令雖不能匡矯亦自守不苟

求容媚情度淹
粹見宣國道注

表宋謝莊讓中書令表

臣聞壁門天遠
風沼神深絲綸

王言出納帝命自非望允當時舉宣庠塾未有謬承曲
寵空席茲榮在於平壯猶不可免况今綿痛百志俱淪

中書侍郎第十

叙

中書侍郎魏官也案環濟要畧曰中

書有令僕射丞郎謂西漢時也又案衛宏漢舊儀曰漢

置中書領尚書匈奴營部一郎民曹一郎謁者一郎此則中書郎已聞漢代記傳無明文莫知廢置之由矣沈約宋志云魏文帝黃初初中書置通事郎次黃門郎黃門郎已署過通事乃署名帝省讀書可晉改通事郎為中書侍郎蓋此始也

案魏志明帝詔舉中書郎謂盧毓曰選舉莫取有名有名如畫地作

甌不可取也毓舉韓暨帝用之又司馬宣王辟王伯興擢為中書侍郎亦明帝時據此中書侍郎起魏代沈約

宋書云晉改似謬也

東晉又改為通事郎尋復為中書郎以後因

之案隋初改中書省為內侍省隋末改為內書監唐初

又改為內史省龍朔二年改為西臺光宅初改為鳳閣

開元初改為紫微其侍郎各因臺閣改易為名

若鳳閣則名鳳

閣侍郎其舍人

事對躍池

入室

卡伯玉赴中書郎詩曰躍麟龍鳳池何法

或晉中興書曰王濛字仲祖恬暢能言名理善隸書與

劉煥為中書郎太宗輔政濛煥並數侍捷對每為入室

之煥煥字真長少清峻時人以

專掌

無對

何法盛晉中興書曰

濛比袁曜卿以煥比荀奉倩

范甯字武子少好學多所通覽拜中書郎專掌西省居

職多所獻替有益政道王濛別傳曰濛為中書侍郎四

軌制

書檄

何法盛晉中興書曰

年無對又遷司徒左長史少選

四人年頗滿以濛難與此肩也

孔演字元舒晉國建興庾亮俱補中書侍郎于時中興

肇建庶事革創演經學博通又練悉舊典朝儀軌制多

所取正馬由是元明二帝親受之又嵇氏世
家曰嵇含為中書郎書檄雲集初不立草

至行直

言

魏志曰明帝詔舉中書郎吏部尚書盧毓曰得其人
與否在盧生耳毓舉韓暨有至行帝用之晉中興書

曰范甯拜中書侍郎時列宗雅好文學而明習五經
甚見親愛朝廷擬議輒諮訪之甯指朝士直言無諱鍾

表

十詩

郭頌魏晉世語曰司馬景王命中書郎虞松
作表再呈不可意令松更定之經時竭思不

能改心存形色中書郎鍾會察有憂色問松松以實對
會取草視為定五字松悅服以呈景王景王曰不當爾
耶松曰鍾會也王曰如此可大用真王佐才也

五字

片言

五字見鍾表注陸士衡轉中書侍郎齊王收士衡
付廷尉士衡出後謝表曰臣以職在中書制命所

出而臣本以筆札見知慮逼迫不獲已乃詐發內
妹喪出就弟雲哭泣受弔片言隻字文不問其間難以

比肩

肅然改容

難以比肩見無對注中宋書裴瓚字國寶風神標邁為中書侍郎出入禁

門見者肅然改容

詩唐太宗餞中書侍郎來濟詩

暖去塵昏灞岸飛飛輕

蓋指河梁雲峯衣結千重葉雪岫花開幾樹芳深悲黃鶴孤舟遠獨歎青山別路長聊將分袂雪襟淚還用持

添輝魏劉公幹贈徐幹詩

誰謂相去遠隔此西掖垣所限清切禁中情無由宣思子

沉心曲長歎不能言起坐失次第一日三四逸步出北

寺門遙見西苑園細柳夾道生芳塘含清源輕葉隨風

轉飛鳥齊謝玄暉直中書省詩

紫殿肅陰陰彤庭赫弘敞風動萬年枝日華承

露掌玲瓏結綺錢深沉映珠網紅藥當階翻蒼苔依砌

上菘言翔鳳池鳴珮多清響信美非吾室中園思偃仰

朋情以鬱陶春物方駘蕩梁沈約悼故中書侍郎王融

安得凌風翰聊恣山泉賞

詩

元長秉奇調弱冠慕前蹤眷言懷祖武一簣望成峯
塗艱行易跌命外志難逢折風落迅羽流恨賦青松

唐魏知古春夜寓直鳳閣懷羣公詩

拜門傳漏晚寓省索
居時昔重安仁賦今

稱伯玉詩駕池滿不溢雞樹久
逾滋夙夜懷山甫清風詠所思

韋承慶直中書省詩

清切

風皇池扶疎雞樹枝唯應集鸞鷲何為宿羈雌大造乾
坤闢深恩雨露垂鴻鵬既含養駕駘亦驅馳木偶翻為
用芝泥忽濫窺九思空自免五字本無施徒喜逢千載
何階答二儀螢光向日盡蚊力負山疲禁宇庭除闕閉
宵鍾箭移暗光臨戶發殘月下簾欵白鬢隨身改丹心
為主披命將時並奉言與行俱危寄謝登巢客堯年復
在表梁庾肩吾為寧國公讓中書郎表
臣聞陟彼太行
伯后之車屢息
望茲吳坂少游之馬難躋是知美非流水立致摧棘駿
靡浮雲便期頓轡起登天漢寧培九萬之風生濟星橋

非使千年之翼豈有幻稱辨慧足對元禮弱標俊穎
能翰子叔玉重組長空見休寵深宮遠宇執知懷憂

中書舍人第十一

叙事

環濟要畧云舍人古官也

周禮地官有舍

人上士二人舍猶宮也掌宮中之政出庫分財列仙傳
曰琴高趙人善鼓琴為宋康王舍人也史記李斯為秦
宮舍人漢書高祖起豐沛周勃傅亮樊噲
皆以舍人從酈食其亦以舍人知宮內事

然則中書舍

人晉官也自漢置中書無聞其職魏世中書始置通事

一人掌呈奏魏明時有通事劉泰是也高貴鄉公時改

為通事都尉尋又改為通事侍郎晉初置舍人一人通

事一人至東晉合舍人通事二職謂之通事舍人自晉

宋以來唯掌呈奏宣王言甚用事至梁用人殊重多以

尊官兼領並入閣內始專掌中書詔誥

自魏晉詔誥皆中書令中書侍

郎掌之至梁始舍人為之裴子野嘗以鴻臚卿兼領通事舍人

其後除通事二字直曰

中書舍人陳及北朝皆因之掌制詔

陳及後魏又別置通事舍人掌宣奏

北齊唯置中書舍人兼掌宣奏隋又別置通事舍人專掌宣奏

隋及唐皆隨臺省為名

並內史省則曰內史舍人云

並出齊職儀及五代史百官志

事對忠慎

儒素

晉中興書曰劉超字世踰遷中書舍人時臺省初建內外多事超出納書命以忠慎稱理身清

苦衣不重帛又曰徐邈字景山以東州儒素性好學尤善經傳烈宗始覽典籍招延禮學之士後將軍謝安舉

避應選補中書舍人專在西省撰正五經音訓學者
宗之每預顧問輒有獻替多所補益烈宗甚愛之
預

顧問

多補益

預顧問及多補益
並見上儒素注中

出書命

善經傳

出書

命見忠慎注中善

掌文法

主呈奏

荀勗集曰晉武帝
時門下啓令史伊

經傳見儒素注中

美趙咸為中書舍人對掌文法勗奏以為不可百官志

曰魏初中書置通事一人主呈奏晉初中書又置舍人

一人至東晉合通事及舍人二
合二職由四戶

職謂之通事舍人兼掌呈奏

主呈奏注蕭景暢齊書云永明元年焚惑入紫微時中

書通事舍人四人各注一戶謂之四戶既總重權勢傾

天下會玄象失度太史奏云宜修福禳之大尉王儉謂

帝曰天文平忤此由四戶仍具舍人王文明等名奏之

至梁除通事二字直曰中
詩唐上官儀酬薛舍人萬年

書舍人掌文翰猶兼呈奏

宮晚景寓直懷友詩

奕奕九成臺，窈窕絕塵埃。蒼蒼萬年樹，玲瓏下蒼霧。池色搖晚空，巖

光歛餘煦。煦清切丹禁，靜浩蕩文河。注留連窮勝，託風期
揆善譔東望，安仁省西臨。子雲閣長嘯，披煙霞高步。尋
蘭若銅狄掩通門，雕鞍歸騎喧。餘對明
月制豔促芳搏，別有青山路。策杖訪王孫，
張文琮和楊

舍人詠中書省花樹詩

華萼映芳叢，參差間早紅。因風

水香飄雞樹，風豈不

徐彥伯贈劉舍人古意詩

女牀闕

愛攀折，希君懷袖中。
章世所希，巢君碧梧樹。舞君青瑣闈，或言鳳池樂。撫翼
更西飛，鳳池環禁林。仙閣霧沉沉，璇題激流珠。綴錦
清陰郁穆，帝言重焚煙。台座深風張，丹葩明月弄。素琴
音雙彩，結不散孤英。歧莫尋浩歌，在西省經傳。恣潛心

初學記卷十一

欽定四庫全書

初學記卷十二

唐 徐堅 撰

職官部下

侍中第一敘事侍中古官也黃帝時風后為侍中周時號

常伯周公立政篇戒成王常伯常任以為左右是也秦

取古官置侍中之職應劭漢官云侍中周官以其周曰常伯故曰周官班固漢書云侍中

秦官以其秦取古官復置之故曰秦官其實古官初秦置侍中本丞相史也丞

相使史五人來往殿內奏事故謂之侍中漢因之多以

為加官

漢書公卿表曰侍中散騎中常侍所加或列侯將軍卿大夫言此第官兼加侍中也初漢本用

舊儒高德備切問近對然貴遊子弟及倖臣榮其官至襁褓受寵位服綺襦紈袴漢初籍孺閔孺皆冠鵠冠

貝帶傅脂粉張辟強年十五霍去病年十八並為侍中漢官云侍中冠武弁大冠

亦曰惠文冠

漢書云昌邑王賀冠惠文音義云惠文今侍中所著

加金璫附蟬為

文貂尾為飾謂之貂蟬

侍中服之則左貂常侍服之則右貂董巴與服志云金取堅剛

百鍊不耗蟬取居高飲清貂取內勁悍外溫潤本趙武靈王之制秦始皇破趙得其冠以賜侍中

西漢

無常員多至十人

齊職儀云漢侍中掌乘輿服物下至熟器虎子之屬武帝代孔安國為侍

中以其儒者特聽掌御唾壺朝廷榮之初漢侍中親省起居故俗謂執虎子虎子襲器也至魏文帝時蘇則為侍中嘗與則同隱吉茂者是時仕甫歷東漢初無常員縣令見則調之曰仕進不止執虎子

齊職儀云東漢侍中便蕃左右與帝升降法駕至靈帝出多識者一人參乘兼負傳國璽操斬白蛇劍

時侍中舍有八區論者因言員本八人獻帝起居注曰初置侍中六人

出入禁中近侍帷幄省尚書魏侍中置四人齊職儀云奏事據此漢末未或省員

不帶劍皆騎從御登殿與散騎侍郎扶帝侍中居左

常侍居右備切問晉宋齊梁陳置四人齊職儀及五代史志云自晉宋

齊梁魏陳侍中並與三公叅國政直侍左後魏北齊置右應對獻替法駕出則正直一人負璽

六人

五代史百官志云北齊侍中因後魏置六人掌獻納諫正及進御之職參與諸公論國政也

後

周初依周禮天官府置御伯中大夫武帝改御伯為納

言亦侍中之任宣帝末又別置侍中為加官隋文帝改

侍中為納言置二人煬帝改為侍內

隋室諱中故改避之

唐朝復

為侍中龍朔初為東臺左相咸亨初復舊光宅初改為

納言神龍初復舊開元初改為黃門監五年復舊

門下省自

晉以來名之唐朝三年改為東臺光宅初改曰鸞臺開元改為黃門省

事對玉署

璫闈

漢書曰李尋字子長通尚書哀帝初即位召尋待詔黃門使侍中傅喜問尋尋對曰位卑術淺偶隨眾賢待詔

反汚玉堂之署漢官儀侍中有玉堂署衛宏漢舊儀曰黃門郎屬黃門今日暮入對青瑣闥拜名夕郎爾雅曰

宮中門黃樞青闥盧諶宣徽賦曰鄭山潛於谷口揚謂之闥黃樞朝隱於黃樞諶注曰揚雄為黃門

郎三葉不徙官散騎常侍范雲與王東寺左曹漢官中書詩曰攝官青瑣闥遙望鳳皇池儀曰

尚書令侍中上東西寺及侍中寺又曰左右曹受尚書事沈約宋書曰漢使左右曹諸吏分掌尚書奏事光武

省諸吏信小黃門受事前代文畫室丹地漢官儀曰士皆謂門下為左曹亦曰東寺侍中秩千

石黃門有畫室署畫室署長一人玉堂署長一人蔡質漢官曰尚書奏事於明光殿省中皆胡粉塗壁其邊以

丹漆地故尚書郎舍雞舌香伏其瑣闥玉堂瑣闥見下奏事黃門侍郎對揖而跪受青闥注

中玉堂見玉署注掌壺負璽孔叢曰孔臧與子琳書曰侍中安國羣臣近見

已上總裁門下

崇禮不供藝事猶復掌御唾壺朝廷之事莫不榮之環
濟要略曰侍帷幄受顧問拾遺於左右大駕出則負璽

以從小珠闕金蟬相書占氣如連珠雜要曰氣色如
則參乘

周官也金蟬右貂金取堅剛百八舍七車八舍見叙
鍊不耗蟬居高食潔口在腋下

部者舊傳曰蜀郡張寬字叔文漢武帝時為侍中從祀
甘泉至渭橋有女人浴於渭水乳長七尺上怪其異遣

問之女曰帝後第七車者知我所來時寬在第七抱劍
七車對曰天星主祭祀者齋戒不嚴則女人見

伏茵漢官曰侍中殿下稱制出則參乘佩璽抱劍漢舊
儀曰侍中左右近臣見皇后如見帝見婕妤好行則

對壁坐賜綬引裾後漢書曰卞鴻字公永永平中詔
則伏茵

中於時帝欲徙燕州戶十萬實於河南毘曰陛下不以
臣不肖置之左右安得不與臣議帝不答起入內毘隨

而引其裾帝
遂奮衣不還

七葉

三代

三輔故事曰金日磾字翁叔封柁侯有忠勤之節七葉侍

中東觀漢記曰馮魴字孝孫父
子兄弟並帶青紫三代侍中

遊鸞渚

舍雞香

遊鸞渚見

下傅咸詩應劭漢官曰侍中刀存
年老口臭上出雞舌香使含之

青蒲伏

綠車載

漢官

曰史丹為侍中元帝寢疾丹以親密近臣得視疾候上
間獨寢時丹直入卧內頓首伏青蒲上應劭注曰以青

規地曰青蒲漢書曰衛尉金敞疾甚成帝拜敞子涉為
侍中使綠車載送衛尉注曰綠車皇孫車所以寵之言

衛尉常清顯
在朝尊貴

侍帷幄

管喉脣

戴逵竹林七賢論曰山濤奉始七年為侍中詔

曰清風淳履思心通遠宜侍帷幄謝綽宋拾遺曰王華
王曇首殷景仁劉湛四人宴飲從朝至夕帝甚歡華既

出太祖目送之歎曰此四賢一時
之秀同管喉脣恐後世難繼矣

便繁左右

從容諷

議應劭漢官曰侍中周官也便紫左右與帝升降卒思近對拾遺補闕百寮之中莫密於茲張隱文士傳曰

張衡拜侍中恒居帷幄詩西晉傳咸贈何劭王濟詩并從容詛議拾遺左右

序朗陵公何敬祖咸之從內兄國子祭酒王武子咸從姑之外孫也並以明德見重於世咸親之重之情猶

同生義則師友何公既登侍中武子俄而亦拜二賢相得甚歡咸亦慶之然自恨聞劣雖願共繾綣而從之未

由歷試無效且有求艱心存日替賦詩申懷以貽之云爾日月光太清列宿曜紫微赫赫大晉朝明明闡皇闡

吾兄既鳳翔王子亦龍飛雙鸞游蘭渚二離揚清暉携手升玉階並坐侍丹帷金璫燉惠文煌煌發令姿斯榮

世所欽繾綣情所希豈不企高蹤麟趾邈難追臨川靡芳餌何為空守城枯槁待風飄逝將與君違違君能無

戀尸素當言歸歸身蓬華廬樂道以忘飢進則歲後漢無云補退則恤其私但願隆弘美王度曰清夷

胡廣侍中箴

皇矣聖上神居天處勤求俊良是弼是輔
匪懈於位庶工以序昔在周文創德西隣

勗聞上帝賴茲四臣辛尹是訪八虞是詢濟濟多士
用有勲文公欽若越興周道亦惟先正克慎左右常伯
常任實為政首降及厲王不祗不恪睨彼榮夷用肆其
虐惟敗天命冠戎並作圯墜宗緒寢廟靡託無曰我賢
不選至親無曰我仁妄用嬖人籍閱飾顏穢我神武鄧
通擅鑄不終厥後中書竊命石弘作禍高安斷袂哀用
無主侍中司表梁王筠為從兄讓侍中表
至如元勲舊
中敢告執矩

累仁之家九代七葉之華相韓事漢之貴不然則子駿
之學洞古今平子之思倖造化仲宣之辯識無滯次仲
之解經不窮然後可以喻旨公卿問對帷扃陪
六尺之輿通四方之意求之微臣此遂頓隔
任昉為

王思遠讓侍中表

行則六尺之內陪接天光上則服璽
申命誠信區寓獻可替否出納惟幾

敷奏於金華之上進讓於玉堂之下金蓮七貴之茂王
粲二公之孫雖復中蔚孤緒元卿末裔未有不階人譽

妄承

曲私

黃門侍郎第二

敘事

案黃門侍郎秦官也漢因之無常員

董巴漢書曰禁門曰黃闥中人主之故號黃門令矣然

則黃門郎給事於黃闥之內入侍禁中故號曰黃門侍

郎

劉向戒子啟書曰今若年少得黃門侍郎要處也李
尋董賢並為黃門侍郎成帝遣張禹歸第於牀下拜

禹小息亦為
黃門侍郎

應劭曰黃門郎每日暮向青瑣門拜謂之

夕郎齊職儀曰初秦又有給事黃門之職漢因之

漢書
云揚

雄劉向並為給事黃門至東漢初并二官曰給事黃門侍郎後又

改為侍中侍郎尋復舊自魏及晉置給事黃門侍郎四

人與侍中俱管門下衆事與散騎常侍並清華代謂之

黃散焉宋齊置四人齊職儀云齊代侍中呼為門下五

代史志云梁陳置四人至煬帝減二員去給事之名直

曰黃門侍郎隋氏用人益重裴矩唐朝因之事對夕郎

夜拜夕郎見叙事東觀漢記曰馬防之子鉅為常從

乃夜拜為儀表珪璋東觀漢記曰鄧閻字季昭遷黃

黃門侍郎門侍郎于時國家每有災異水

早聞側身暴露憂懼顯頽形於顏色公卿以下咸高尚
馬漢興以來為外戚儀表王隱晉書曰顧榮少有珪璋
符米朗澈仕吳弱冠舉賢良為黃門侍郎
當時後進盡相推謝稱榮有大才令望
侍講 著詩

魚叅魏略曰董遇字季直獻帝時為黃門侍郎朝夕侍
講為天子甚愛信魏高貴鄉公集曰幸華林賜羣臣酒

酒酣上援筆賦詩羣臣以次作二十四人畫成圖書
不能著詩授罰酒黃門侍郎鍾會為上

壞本 王隱晉書曰張華為黃門侍郎博覽圖籍千門萬
戶畫地成圖任嘏別傳曰嘏字昭先魏文以嘏為

黃門侍郎每納忠言輒書環本自在
禁省歸書不封帝嘉其淑慎如此
二子並拜 三代

不徒 桓階別傳曰階為尚書令文帝幸見諸子少子元
禪上搏手曰長者子元禪是日拜二子為黃門侍

郎漢書曰王音薦揚雄待詔歲餘
為給事黃門成哀平三代不徒
入拜青瑣 對揖丹

墀

上見叙事下具侍中事對丹地注

恂恂可觀

軒軒得志

漢書曰馮參字叔平

以昭儀少弟為人矜嚴好修容儀進止恂恂可觀也

詩

魏知古和鸞臺楊侍郎春夜寓直鳳閣懷羣公詩

拜門傳漏

晚寓省索居時昔重安仁賦今稱伯玉詩駕池注不溢雞樹久逾滋風夜懷山甫清風詠所思

制唐中

宗孝和皇帝授韋嗣立黃門侍郎制

絳衣近侍秩亞貂蟬青瑣崇班職參

駕駕實神化之有寄信賢才之攸重通議大夫韋嗣立忠規奕葉孝緒蟬聯家匡玄鸞之朝人輔彤雲之代芝

蘭並秀見謝砌之階庭麒麟齊驅有劉山之昆季入光振鷺譽滿三臺出據憑熊聲流十部近者命茲鸞渚已

擢鴈行纜出芸局奄歸蒿里永言荆樹坐折連枝眷彼恒山空餘一鳥伴遷榮於阜益宜襲寵於黃樞

給事中第三敘事漢官云給事中秦官也漢因之無常員

皆為加官

所加或大夫博士議郎兼加之掌顧問應對位次中常侍

漢儀注給事中

曰上朝謁平尚書奏事以有事殿內故曰給事中齊職

儀云東漢省其官魏晉宋齊並置無常員皆隸集書省

齊職儀云齊給事中皆隸集書省與諸散騎同掌侍從左右獻給省諸文奏北齊依後魏置

六十人後周天官府置給事中士六十人隋文帝門下

省置給事二十人

除中字國諱字陪從朝直

煬帝改名給事郎

減置四員

學省請案奏

唐又曰給事中龍朔二年改為東臺舍人咸亨

初復舊事對顧問

侍從

顧問見叙事注胡伯始曰給事掌侍從左右無員位次侍

中中名儒

茂親

胡伯始曰給事常侍從左右無員位次侍中中常侍或名儒或國親漢東

方朔中郎為給事中劉履素

立德

晉起居注曰武帝太康七年詔曰郎

中張建忠篤履素為江表士大夫所稱宜在中朝其以建為給事中王隱晉書曰任熙字伯遠立德邈然徵拜

給事中

潔行

俊才

王隱晉書曰陳劭字節良秦始皇六年詔曰燕王師劭清貞潔靜行著邦旅

荀綽兖州記曰袁準字孝尼有俊才秦始皇中拜為給事中

明經

效車

范曄後漢書曰鄭眾字仲

師以明經拜給事中傅玄子曰馬鈞字德衡為給事中與高堂升平泰朗爭論於朝言及指南車二子云無此

記虛耳鈞曰虛爭空言不如試之效矣

詩唐沈佺期自考工員外拜給事

中詩

南省推丹地東曹拜瑣閣惠移雙管筆恩降五時衣出入宜真選遺逢每溢飛器慙公理拙才謝子

雲微案牘遺常禮朋儕隔等威上台行揖讓中禁動光暉旭日千門起初春八舍歸贈蘭聞宿昔談樹隱芳菲

省躬知任重寧止冒榮非又訓楊給事廉見贈省中詩

子雲推辨博公理擅詞雄

始自尚書省旋聞給事中言從溫室祕籍向瑣閣通顧我叨郎署慙無章奏工分曹八舍斷解袂五時空宿昔叨餘論平生賴擊蒙神仙應東掖雲霧限南宮忽枉瓊田贈長歌蘭渚宮

散騎常侍第四

敘事

案散騎常侍本二官皆秦置也漢官

云秦置散騎又置中常侍

散騎騎從傍乘輿車後獻可替否中常侍得出入禁中常

侍左漢因之兼用士人無常員多以為加官

所加或列侯將軍卿

大夫兼加之原其所置二職皆舊儒骨鯁以備顧問與侍中同元帝時劉向累遷散騎常侍與蕭固大儒同侍左右是也後雜伍貴遊子弟班伯成帝時為中常侍與王許子弟為羣在綺襦紈袴之中皆銀璫附

蟬為文貂尾為飾謂之貂璫

常侍服之則左貂中侍服之則右貂

東漢省

散騎之職而中侍改用宦者無常員殤帝改施金璫齊職儀云魏文帝復置散騎之職以中常侍合為一官除

中字直曰散騎常侍置四人典章表詔命手筆之事晉

置四人隸門下

又領員外散騎常侍無員魏末年又有通直散騎常侍四人晉武泰始十年使

二人與散騎常侍四人同置自魏至晉散騎常侍散騎侍郎與侍中黃門侍郎共平章尚書奏事江左乃罷之

又有員外散騎侍郎無員晉武所置又有通直散騎侍郎
四人晉太興元年元帝使二人與散騎侍郎通員直故謂
之通直散騎侍郎凡六散騎馬晉初此官選望甚重與侍中不異自宋

以來其任閒散用人益輕

宋孝武大明年舉選此侍中而人情久習終不見重尋復

舊也別置集書省領之齊氏因之

言掌圖書文翰之事故曰集書省其領諸散騎

同晉

五代史百官志云梁陳集書省置散騎常侍四人

後魏北齊集書省置六人具領諸散騎並同晉氏

隋文廢集書省徙諸散騎入

門下省唐初並廢六散騎以為散官貞觀初唯置散騎
常侍二人隸門下顯慶初又置二人隸中書並金蟬左

右珥貂

侍中與左散騎則右貂世謂之八貂馬

龍朔二年改

為左右侍極

在中書曰右侍極在門下曰左侍極

咸亨初復舊事對參乘

挾帝

王隱晉書曰鄭默字思元為散騎常侍武帝出南郊侍中以陪乘詔曰使鄭常侍參乘齊職儀

云魏氏侍中掌儀贊大駕出則次直侍中護駕正直侍中負璽陪乘不帶劍皆騎從帝登殿與散騎常侍對挾

帝侍中居左

插貂璫

賜牀帳

魏略曰散騎常侍比於侍中貂璫插右黃初中

始置四人出入侍從與上談議不典事晉起居注曰太康七年詔曰尚書馮翊忠亮在公歷職內外勤恪匪懈而疾未差屢求放退其以卿為散騎常侍賜錢二十萬林帳一具

掌規諫

贊詔命

魏志

曰文帝延康元年置散騎常侍為一官省中字置四人與侍中同掌規諫華嶠集詔曰散騎以從容侍從承答

顧問為職又掌贊詔命平居獻替答顧問晉起居注曰升平五

年詔曰前西中郎謝方才義簡亮宜居獻替其以為散騎常侍答顧問見贊詔命注中

夾乘輿

侍廊廡

應劭漢官曰秦及漢置散騎中常侍各一人官並無員散騎馬夾乘輿車獻可替否環濟要略

曰散騎常侍入侍左右入侍左右與上談議入侍左右見侍

出則侍事於廊廡之下廊廡注魏略曰散騎常侍比侍中貂璫插右黃初中始置四人出入侍從與上談議不典事後遂以為加官

表梁任昉為范雲讓散騎常侍吏部尚書表夫銓衡之重關諸崇

替遠惟則哲在帝猶難漢魏以降達識繼軌雅俗所歸唯稱許郭齊季陵進官方弛亂草創惟始義存改

作恭已南面責成斯在豈宜妄加寵私以隳王事附蟬之飾空成寵章求之公私授受交失近代侯者功緒參差

或足食關中或成軍河內或盛德如卓茂或師道如桓榮四姓侍祀已無足紀五侯外戚且非舊章而臣之所附唯在恩澤臣去歲冬初國學之老博士耳今茲首夏將亞台司雖千秋之一日九遷荀爽之十旬逮至方之微臣未為速達臣雖無識唯利所視至於虧名損實為國為身知其不可不敢妄為陛下不棄管蒯愛同絲麻儻平生之言猶在聽覽宿心素志無復二辭矜臣所乞特廻寵命則夔章載穆微臣知免

諫議大夫第五

敘事

案諫議大夫秦官也齊職儀云初秦

置諫議大夫屬郎中令無常員多至數十人掌論議

漢武

改郎中令為光祿勳

漢初不置至武帝始因秦置之無常員皆名

儒宿德為之隸光祿勳光武增議字為諫議大夫置三

十人屬光祿勳魏依漢氏晉宋齊並不置五代史百官志云梁陳亦置北齊依後魏集書省置諫議大夫七人隋門下省置七人唐因之減置四人龍朔二年改為正

諫議大夫神龍初復舊事對清慎

諒直

司馬彪續漢書曰周舉字

宣光梁商表為從事中郎高疾甚帝問遺言對曰臣從事中郎周舉清慎高亮可任諫議大夫謝承後漢書曰

傳翻字君成轉諫議大夫天性諒直數陳讜言武帝嘉之

方正

忠審

漢書曰孔光字子夏經學

尤明匡衡舉孔光方正為諫議大夫謝承後漢書曰虞承字叔明拜諫議大夫雅性忠審在朝堂犯顏諫爭終不曲撓散祿賑給

論得失

陳讜言

漢書王吉字子陽為諫議大夫是時

諸生言德無比

宮室車服甚盛外戚貴寵吉上疏論得失上以其迂闊不甚寵異謝承後漢書曰傳翻字君成轉諫議大夫天性諒直數陳諫
乘高車 **止靈臺**
東觀漢記曰郭丹字少卿從師長安買符

言武帝嘉之
入函谷關乃慨然而嘆曰丹不乘使者車不出此關既至京師嘗為都講更始二年為諫議大夫持節歸南陽

自去家十三年果乘高車出關三輔決錄曰第五頡字子陵為諫議大夫洛陽無主人鄉里無田宅寄止靈臺

中或十日不炊
天子納善 **好事從遊**
漢書曰貢禹字少翁元

帝徵禹為諫議大夫數虛已問以政事是時年穀不登禹奏言宮室制度從儉省天子納其善言又曰揚雄字子雲以耆老久次轉為

諫議大夫以疾免復召為諫議大夫家素貧嗜酒人稀至其門時有好事者載肴酒以從遊學
持節南

陽 **作賦東觀**
持節南陽見乘高車注常璩華陽國志曰李尤字伯仁賈逵薦尤有揚雄之才

明帝召入作東觀辟雍德陽
諸觀賦銘遂拜諫議大夫
召入作賦 從幸為歌

作賦見東觀注中漢書曰王褒字子淵為諫議大夫
褒從微所幸之宮觀為歌頌諫者以為淫靡不急
箴

後漢崔寔諫議大夫箴

於昭上帝迺茲既哲匪于水鑿
惟人是察處有誦訓出有放責

木鐸之求爰納道人各有攸訊政以不紛昔在大禹拜
承昌言癸辛暴戾虐及於天逮於周厲慢德不黜照煦
胥讒人謗乃作不顧厥愆是討是格庶類不堪流之疑
宅防人之口譬諸防川豈不速止潰乃潺湲潺湲尚塞
言壅為賊默然之患用顛
厥國諫臣司議敢告有翼

御史大夫第六事案御史大夫秦官也

應劭曰侍御之
率故曰大夫周

官宗伯之屬有御史掌贊書注曰御侍也進也戰國以
為糾察之官兼典史官秦趙會澠池各領御史監察御

史置大夫
以領之
漢因之掌副丞相九卿高第者拜之其任職

者轉為丞相至成帝改曰大司空

漢書曰何武建言依古置三公官改御史

大夫為大司空改丞相為大司徒與大司馬為三公也

哀帝復為御史大夫尋復

改曰大司空歷後漢因之至獻帝時魏武為魏王復置

大夫魏文黃初初復省置之歷晉宋之後咸因之並以

中丞為臺主

已上並見漢官及齊職儀

至隋氏復置大夫

五代史百官志云隋

室諱中置大夫省中丞

唐朝因之龍朔二年改大夫為大司憲咸

亨初復舊事對署梓

列柏

衛宏漢舊儀曰御史大夫寺在司馬門內門無扁題

署用梓板不起郭邑題曰御史大夫寺漢書曰朱博為御史大夫其府列柏樹常有野烏數千棲宿其上晨去

暮來號曰憲臺法冠謝靈運晉書曰漢官尚書為中朝夕烏臺御史為憲臺謁者為外臺是

為三臺自漢罷御史大夫而憲臺猶置以丞為臺主中丞是也漢官儀曰侍御史周官也為柱下史冠法冠一

名柱後以鐵為柱言其審固不撓常清峻也絳駟白簡沈約宋書曰顏延

丞何尚之與延之書曰絳駟清路火精霜簡黃石公白簡深劾取之仲容或有虧耶

法曰熒惑火之精御史之象主禁令刑罰收捕糾正崔篆御史歲曰簡上霜凝筆端風起漢書孫寶謂侯文曰

今鷹隼始擊以副相次卿漢書曰御史大夫秦官掌成嚴霜之威副貳丞相應劾漢官曰御

史大夫本秦官也位次上卿青綬蒼佩漢書曰御史大夫秦官也位次上卿銀印青綬佩水

蒼玉侍御之率 刀筆之吏

漢書公卿表曰御史大夫秦官也應劭曰侍御之率故稱

大夫漢帝集曰武帝作柏梁臺詔羣臣二千石有能為七言者乃得上坐御史大夫曰刀筆之吏臣執之無

以易堯

莫敢難錯

史記曰齊人方與公謂御史大夫周昌曰君之吏趙堯年雖少奇士

也君其必異之是代君位昌笑曰刀筆之吏安能至是及昌相趙高祖以御史大夫印弄之誰可以為者視趙堯曰無以易堯遂拜之又曰晁錯遭為御史大夫請諸侯有罪過則削其地收其版郡奏上上令公卿列侯宗室集議莫敢難錯獨實

奏去副封

涕對具獄

漢雜記事曰故

事上書為二封其一曰副領尚書者先發一副封有不善屏去不奏魏相為御史大夫奏去副封以防壅蔽漢書曰張敞為御史大夫上具獄事可者却之不可者不得已為涕泣面而封之其愛人若此年老請免天子

亦寵以上大夫

請造白金

願罷滄海

漢書張湯為御史大夫承上指

請造白金與五銖錢籠天下鹽鐵排富商大賈又曰公孫弘為御史大夫時又東置滄海北置朔方之郡弘諫以

為罷弊中國以奉無用之地願罷滄海專奉朔方上許之

飾詐釣名

舞文輔法漢書

曰汲黯謂上曰公孫弘位在三公俸祿甚多然為布被此詐也上問弘弘謝曰有之夫三公為布被誠飾詐以

釣名今臣弘位為御史大夫九卿以下無差誠如制唐黜言又曰張湯為御史大夫舞文巧詆以輔法

中宗授楊再思檢校左臺大夫制

避車要秩非德靡升專席雄班惟賢是屬

侍中楊再思衣冠舊齒廊廟宏材寒暑不易其心始終弗虧其度在明時而有立居暗室以無欺投水陳謨邁

漢朝之三傑霑沙作相掩虞日之五臣森乎抱松柏之心凜乎實冰霜之氣佇因獻替兼肅權豪宜分務於鸞

高俾効能
於烏署

又授蘇珣右臺大夫制

烏臺峻秩望總鐵冠
蒼珮崇班威高石室

誠副相之榮級實次卿之通任前岐州蘇珣詞吞楚澤
量湛黃陂既光大厦之材堪入巨川之用西京展驥道

掩題輿右輔憑熊風起露冕朱帷霧撤初
停州縣之勞白簡霜凝宜屏權豪之氣

御史中丞第七事

敘案御史中丞秦官也掌貳大夫漢因

之御史大夫本有兩丞其一曰御史丞一曰御史中丞

謂之中者以其別在殿中掌蘭臺祕書外督部刺史內

領侍御史受公卿章奏糾察百僚休有光烈至成哀間

改大夫為大司空而中丞更名御史長史出外為臺主

光武復曰中丞與尚書令司隸校尉專席而坐京師號曰三獨坐獻帝權置大夫而中丞不省魏初罷大夫改

中丞名官正復為臺主尋又改曰中丞晉宋之後並因

之

已上並見漢官及齊職儀

後魏書官氏志云後魏改中丞為中尉

五代史百官志云北齊又改為中丞隋室諱中省中丞

增持書御史之品以代之

案持書侍御史者本漢宣帝時路溫舒上書宜尚德緩刑

帝深采覽焉季秋後請獻時帝幸宣室齋居而決事令侍御史二人持書故曰持書侍御史後因別置冠法冠與符璽郎共平理廷尉奏事其後歷代並置之至隋增品代御史中丞之職唐朝初因之貞觀未省之唐

初因之貞觀末省持書侍御史又置中丞龍朔二年改

為司憲大夫咸亨初復舊事對專席 分路續漢書云

史中丞與司隸校尉尚書會同並專席而坐故京師

號曰三獨坐魏氏春秋曰故事御史中丞與洛陽令相

遇則分路而行以丞石室 蘭臺環濟要略曰御史中丞有石室以藏祕書

圖識之屬漢官儀曰御史中丞二人本御史大夫之丞其一別在殿中兼典蘭臺祕書外督部刺史內領侍御

史受公卿章奏糾舉劾案章 休有烈光漢書曰御史中丞二人本

御史大夫之丞其一別在殿中舉劾案肅內外 分黑

章故曰中丞休有烈光見蘭臺注中白 傳宣列傳曰宣為御史中丞明法直繩內外震肅甚

有威風漢書曰薛宣字貢君宣為中丞執法殿中外

總部判史郡國二千石所賤
退稱進白黑分明由是知名
無迴避 不吐茹 續漢書曰馬嚴

字威卿拜御史中丞賜冠幘衣服車馬嚴舉劾案章申
明舊典奉法察舉無所迴避百僚憚之王隱晉書曰熊

遠字孝文遷御史中丞中宗每歎其公忠謂遠曰
卿在朝正色不茹柔不吐剛忠亮至勁可謂王臣 奏彈

夜警 法鞭儲傅 晉中興書曰王恬字元愉為御史中丞值海西公廢太宗即位未解嚴大

司馬桓溫屯中堂夜吹警角恬奏劾大不敬請治罪明
日溫見奏事歎曰此兒乃敢彈我真可畏也梅陶自序

曰余居中丞曾以法鞭皇太子傅親友莫不致諫余笑
而應之堂高由陛皇太子所以崇於上由吾奉王者法

吾其枉道曲媚乎後皇太子將見延請
賜以清讌於是太子禮敬之如師 周處正繩 陳謙

奉法 王隱晉書曰周處字子隱為御史中丞奏征虜將
軍石崇大將軍梁王彤等正繩直筆權豪震肅續

漢書曰陳諫字伯諫拜御史中丞執
憲奉法多所糾正為百寮所敬也
詩隋江總贈孔中

丞真詩
我行五嶺表辭卿二十年聞
依然疇昔同察案今隨年代
改借問藏書處唯

君故人在故人名官高清簡
權豪誰知懷九歎徒然泣二毛
箴晉傅咸御史中丞箴

百官之箴以箴王闕余承先君之蹤竊位憲臺懼有忝
累垂翼之責且造斯箴以自勗勵不云自箴而云御史

中丞箴者凡為御史中丞欲通以箴之也煌煌天文衆
星是環爰立執法其暉有煥執憲之綱秉國之憲鷹揚

虎視肅清違慢審審匪躬是曰王臣既直其道爰
顧其身身之不顧孰有弗震邦國若否山甫是明

焉用彼相莫扶其傾淮南構逆實憚汲生赫赫有國可
無忠貞憂責有在繩亦必直良農耘穢勿使能植無禮

是逆安惜翅翼嗟爾庶寮名敬乃職無為罰先無怙厥
力怨及朋友無慙於色得罪天子內省有愆是用作箴

卷之三

初學記

十七

惟以
自勅

侍御史第八

殿中監察敘
御史附

事侍御史秦官也

漢官云老子
為周柱下史

張蒼秦時為御史主柱
下方書侍御史之任也

漢因之署十五人魏八人晉九

人宋齊十人梁陳九人後魏北齊隋八人

出漢官及五
代史百官志

殿中侍御史魏置也初魏蘭臺遣二御史居殿中伺察

非法故曰殿中侍御史晉宋齊置二人梁陳置四人後

魏置十四人北齊置十二人隋初改曰殿內侍御史煬

帝省之

出齊職儀及五
代史百官志

監察侍御史隋置也晉置檢校

御史掌行馬外事宋齊梁陳並省之後魏北齊復置十
二人隋改檢校御史為監察御史蓋亦取秦監察御史

之義以名之

出五代史百官志

事對豸冠

鐵柱

胡廣漢官儀曰御史四人

持書皆法冠一名柱後一名獬豸獬豸獸名知人曲直
觸邪佞漢官曰侍御史周官為柱下史冠法冠一名柱
後以鐵為柱言繡衣白筆漢書曰王賀字翁孺武帝
時為繡衣御史逐捕羣盜

其審固不撓

繡衣

白筆

漢書曰王賀字翁孺武帝時為繡衣御史逐捕羣盜

魏略曰帝嘗大會殿中御史簪白筆側階而坐上問左
右此為何官何主左右不對辛毗曰此謂御史舊時簪
筆以奏不法今者避馬埋輪續漢書曰桓典字公雅
為侍御史是時宦官亂
直備官但眊筆耳
政典執政心無所迴避常乘驄馬京都畏之為語曰行
行且止避驄馬御史又曰張綱字文紀遷侍御史漢初

選八使巡行風俗八使同日拜謂之八彥皆宿儒要位
唯綱年少官微受命各之部而綱獨埋車輪於洛陽都
亭曰豺狼當路安問狐狸逆奏大
將軍梁冀兄弟罪惡京師震悚
橫劍持戟續漢書曰種暉

字景伯順帝時為侍御史監護太子承光宮中常侍高
梵受勅迎太子不賈詔書以單車載太子欲出太子太
傅高襲不知所以力不能止閉門臨去暉至橫劍當車
曰御史受詔監護太子太子國之儲副天命所繫常侍
來無一尺詔書安知非挾姦耶今日之事有死而已梵
不敢爭陳壽者舊傳曰楊仁字文義明帝引見問當代
政治之事仁對上大奇之拜仁侍御史明帝崩是時諸
馬貴盛各爭入宮仁披甲持戟遮勅宮門不得令入章
帝既立諸馬更諧仁
劾峻於是上善之
劾霍光收梁冀漢書曰嚴延年遷侍御史劾霍
光專廢立續漢書曰陳翔字子麟遷侍御史元
日朝賀梁冀威儀不整請收理罪時人奇之
左雍以

能擢

孫綝習事補

曹氏傳曰左雍起於辟吏武帝以

曰中書屬通事令史孫綝限滿久習內事才詩唐蘇味道

宜殿中侍御史須空補之不甯可否詔曰可

故事推三獨茲晨對兩閑夕稿共鳴

贈封御史入臺詩
舞屈草接芳萊盛府題青索殊章動

繡衣風連臺閣起霜就簡香飛凜凜當朝

色行行滿路威唯當擊隼去復觀落鵬歸又始背洛城

秋郊矚目奉懷臺中諸侍御詩
薄遊忝霜署直指戒冰

北臨山晴闕塞斷川暮廣城陰場圃通圭甸溝塍礙石

林野童來摺拾田叟去謳吟蟋蟀秋風起蒹葭晚露深

帝城猶鬱鬱征傳幾駸駸
迴憶披書地勞歌謝所欽元希聲贈皇甫侍御赴都詩

東南之美生于會稽牛斗之氣蓄於昆溪有瑤者玉連

城是齊有威者鳳非梧不棲共倚嗟衆珍以況君子公

侯之宵心腹其始利器長材溫儀峻峙其道心惟微厥
用允塞德暉不泯而映邦國靜以有神動而作剛九臯
千里其聲不忒其粵在古昔分官殿初刺邪矯枉非賢
勿居稜稜直指烈烈方書蒼玉鳴佩繡衣登車其綽綽
夫君是膺柱下準繩有望名器無假寵益伯山氣雄公
雅立朝正色侯我能者其載懷羽情嘗接閒宴好洽昆
弟官聯州縣如彼松竹春榮冬蒨柯葉藹然不渝霜霰
其會合非我關山坐遠離鴻曉引別葉秋飛駢駢徐動
樽餞相依遠情起忽歧路光輝其金石其心芝蘭其室
言語方閒音歲自溢灑子風威屢子霜質贈言歲暮以

保貞
吉具

祕書監第九事按祕書監後漢桓帝置也掌圖書祕記

故曰祕書後省之至獻帝建安中魏武為魏王置祕書

令典尚書奏事即中書之任也亦兼掌圖書祕記之事

魏文黃初初分祕書立中書中書自置令典尚書奏事

而祕書改令為監別掌文籍焉

案漢官及齊職儀秦漢置尚書通掌圖書祕記

章奏之事漢武罷尚書官置中書掌其事光武罷中書官又置尚書漢獻帝置祕書令典尚書奏事當中書之任則知中書本尚書之任初漢置尚書中書屬少府

案漢官初

秦代少府遣吏四人於殿中主發書故號尚書尚猶主也中書本尚書之官故總隸屬少府

而祕書

本中書之官故魏初猶隸少府及王肅為監以為魏之

祕書即漢之東觀之職安可復屬少府自此不復焉

後漢

書云時學者以東觀為老氏藏室道家蓬萊山

至晉武又以祕書并入中書省

省其監晉惠復別置祕書監一人後世因之

其少監隋煬帝置也

以上並出漢官及齊職儀

唐因之龍朔二年改祕書省曰蘭臺其監

改名太史咸亨元年復為祕書監天授初改祕書省曰

麟臺其監不改神龍初復舊

初漢御史中丞在殿中掌蘭臺祕書圖籍唐以祕書

省為蘭臺即因斯義也漢西京未央宮中有麟閣亦藏祕書即揚雄校書之處也改祕書為麟臺亦因其義也

春秋韓宣子聘魯觀書於太史氏古者太史掌書改監為太史亦因其義

事對祕署 仙室

魚豢魏略曰蘭臺臺也而祕書署耳華嶠後漢書曰學者稱東觀為老氏藏室道家蓬萊山王融曲水詩序曰

紀言事於仙
室謂藏室也

芸臺

蓬觀

魚養典略曰芸臺香辟紙魚
蠹故藏書臺稱芸臺蓬觀見

仙室
注中**延閣**

祕府

劉歆七略曰武帝廣獻書之路百年
之間書積如丘山故外有太常太史博

士之藏內則延閣廣內祕室之府漢書曰
天下文籍悉在廣內祕府之室謂之祕書

東壁東觀

蘭臺麟臺

石氏星經曰東壁之星主文籍東觀事見仙
室注中漢書云御史中丞掌蘭臺祕書圖籍

又魚養魏略曰薛夏為祕書丞時祕書掌公事移蘭臺
蘭臺自以臺也祕書丞時為署耳謂夏不得移當有坐

者夏報曰蘭臺為外臺祕書為內閣臺也閣也何不稱
移之有蘭臺無以折之三輔黃圖曰未央宮東有麒麟

殿藏祕書即揚雄校書
之處也以上載祕書

典圖書

掌祕典

東觀漢書曰
桓帝延熹二

年初置祕書監掌典圖書古今文字考合異同溫嶠舉
荀崧為祕書監曰夫國史之典將以明失得之跡謂之

實錄使一代之典煥然可觀散騎常侍崧文質彬彬
思義通博歷位先朝蒞事以穆宜掌祕典宣明史籍 **考**

同異 校古今

考同異事見典圖書注王隱晉書曰惠
帝永平元年詔云祕書監綜理經籍考

校古今課試署吏領
有四百人宜專其事

典文章

綜經籍

華嶠集曰詔尚
書曰亭侯嶠體

素弘簡文學該通經覽古今博聞多識著書實錄有良
史之志故轉為祕書監其加散騎常侍班同中書寺為
內臺使中書散騎及著作理禮音律天文數術南省
文章門下撰集皆典領之綜經籍見校古今注中 **撰**

皇覽 次竹書

魏志曰王象字羲伯散騎常侍領祕書
監撰皇覽傳暢晉諸公讚曰荀勗領祕

書監太康二年汲冢中得竹書勗躬自撰次
注寫以為中經列於祕書經傳闕文多所證明 **著陽秋**

典文字

何法盛晉中興書曰孫盛字安國為祕書監
加給事中篤尚好學自少及長常手不釋卷

既居史官乃著三國陽幽讚符命宣明史籍傳暢晉諸公讚

曰庾峻自司空長史遷祕書監幽讚符命天詩宋顏延

文地理因有述焉宣明史籍事見掌祕與注

之和謝監靈運詩弱植慕端操寤步懼先迷寡立非擇方刻意藉窮棲伊昔適多幸秉筆侍

兩闌雖慙丹艘施未謂玄素睽徒遺良時設王道奄昏

靈人神幽明絕朋好雲雨平乎屈汀洲浦謁帝蒼山蹊

倚巖聽緒風攀林結留美政予間衡嶠曷月瞻泰稽皇

聖昭天德豐澤振沉泥惜無雀雉化何用充海淮去國

還故里幽門樹蓬藜采茨葺昔宇剪棘開舊畦物謝時

既晏年往志不偕親仁數情暉興玩究辭悽芬馥歇蘭

若清越奪琳珪盡言梁沈約奉和竟陵王抄書詩教微

非報章聊用布所懷

轡維峻屬貞期義平良未遠斯文煥在茲超河綜絕禮

冠楚緞淪詩披滕辨靈册酌醴訪深疑澄流黜往性泛

略引前滋漢壁含遺篆名山多逸詞綠編方委閣素簡
日盈輜空幸衆驚驚比秀惡瓊芝挹流既知廣復道還
自**庾肩吾和劉明府觀湘東王書詩**陳王擅書府河
間富典墳五車

方累篋七閣自連雲松槩反康芳帙氣栢燠許運起厨
文羽陵青簡出媯泉綠字分方因接遊聖暫得奉朝聞

峯樓霞早發林殿日先曛
洛城復接眼歸軒畏後羣
周庾信麟趾殿校書和劉儀

同詩止戈興禮樂修文盛典謨壁開金石篆河浮雲霧
園芸香上延閣碑石向鴻都誦書徵博士明經拜

大夫壁池寒水落學市舊槐疎高談變白馬雄辯塞飛
孤月落將軍樹風驚御史烏子雲方汗簡溫舒正削蒲

連雲雖有閣
終欲想江湖
詔唐太宗正授顏師古祕書監詔祕府望
華史官

任重選衆而舉歷代攸難守祕者監顏師古體業淹和
器用詳敏學該流略詞兼典麗職司圖書亟經歲序朱

紫既辨著述有成宜正名
器允茲望實可祕書監
箴後漢崔瑗東觀箴
洋洋東觀古之

史官三墳五典靡義不貫左書右記其言辛尹顧
訪文武明宣倚相見寶荆國以安何以李代咆不度
在強奮矯戮彼逢干術巫蠱謗國莫敢言狐突見片淖
齒見殘焚文坑儒羸反為漢巫蠱之毒殘者數萬吁嗟
後王曷不斯鑿是以明哲先識擇木而處夏終殷摯周
聘晉黍或笑或泣抱籍遁走三葉靖公果喪厥緒宗廟
隨夷遠之荆楚麥秀之歌億
載不腐史臣司藝敢告侍後

祕書丞第十敎案祕書丞魏官也齊職儀云初漢獻帝

置祕書令有丞二人蓋中書之任魏文分祕書立中書
以祕書左丞劉放為中書監祕書右丞孫資為中書令

而祕書改令為監別掌文籍自置丞一人多以祕書郎遷之其後何禎上許都賦帝異之拜祕書郎後月餘禎闕事帝問曰吾本用禎為丞何故為郎案主者罪遂改為丞時祕書本有一丞尚未轉遂以禎為右丞右丞置自禎始也至宋省一丞後代並因之唐龍朔二年改為

蘭臺丞咸亨初復舊事對鹿車

銅印

王肅表論祕書丞郎儀宜此尚

書郎侍御史今侍御史乘轎車奏事用尺一祕書丞郎乘鹿車猶用尺奏恐非陛下崇儒之本意齊職儀云祕書丞銅印

近日月

奏文賦

王肅論祕書表云青龍中議祕書丞郎與博士議郎同職

近日月宜在三臺上魏略曰嚴苞以高才謂薛君用
黃初中入為祕書丞數奏文賦帝甚異之

何禎

魚豢魏略曰薛夏天水人東詣京師文帝嘉其才
黃初中引為祕書丞帝與夏推論書傳未嘗不終

日也每呼之不名而謂雅有文才
之薛君用何禎見叙事雅有文才
徧觀今古
王隱晉書曰稽

紹字延祖雅有文才山濤啓武帝可為祕書郎帝曰詔
既如此便可為丞又曰庾峻少好學有文才轉祕書丞

徧觀今古表齊王融拜祕書丞謝表
臣聞升離戒晨陰
聞見益廣

停夕幽草或漏其津至如明兼就日澤深行雨不有聖
德誰或其然所以欽至道而出青臯捨布衣而望朱闕

懷祿仕在代耕期榮不謀入用豈悟特擢之例事均延
祖置左之恩任光元輔踰溢情涯普燭身表畏翹車而

必讓誠濡翼之願辭既聖主
謂其可施故愚臣然思自勉

秘書郎第十一事 秘書郎魏官也初漢獻帝置秘書令

有丞郎蓋是中書之任魏文分秘書為中書而秘書別

掌文籍領秘書丞及秘書郎中即其任也至宋除中書

直曰秘書郎此職與著作郎自置以來多起家之選在

中朝或以才授歷江左多任貴游而梁世尤甚當時諺

曰上車不落為著作體中何如則秘書言其不用才也

至北齊又加中字至隋又除中字

出齊職儀及五代史百官志

唐因

之龍朔二年曰蘭臺郎咸亨初復舊天授初曰麟臺郎

神龍初復舊事對耽美書

刪舊文

蜀志曰郗正字令先安貧好學弱冠

能屬文遭祕書郎性澹於榮利而尤耽意文章及當代美書王隱晉書曰鄭默字思元為祕書郎刪省舊文除

其浮穢著魏中經簿中書令虞松謂默曰而今而後朱紫別矣賦三都著中經王隱晉書

曰左思專思三都賦絕人倫之事自以所見不博求為祕書郎著中經見刪舊文注掌三閣定

四部晉令曰祕書郎掌中外三閣經書覆校殘闕正定脫誤晉太康起居注曰祕書丞桓石綏啟校定四

部之書詔遣郎中四人各掌一部別朱紫澹榮利別朱紫事見刪舊文注澹榮利事見

耽美書注彈文梁沈約奏彈祕書郎蕭遙昌文謹按兼祕書郎臣蕭遙昌

盛咸茂年升華祕館淑慎之迹未彰違情之容已及宜寘戮綱以肅朝風請以見事免遙昌所居官

著作郎第十二

著作佐欽
郎附事

著作郎魏官也沈約宋書百

官志云初東漢圖籍在東觀名儒碩學多著作東觀然
皆他官假著作之名而未立著作之官至魏太和中始
置著作郎官隸中書省魏晉之際中書兼國史之職史
官在焉故魏代王沈為中書著作郎晉初繆徵為中書
著作郎並是也至晉惠帝詔曰著作舊屬中書而祕書
既別典文籍今改中書著作郎為祕書著作郎亦為大
著作後代因之唐初因之龍朔二年改為司文郎中咸

亨初復舊著作佐郎魏置掌貳著作佐郎修國史初俱

隸中書謂之中書著作佐郎晉惠帝時與大著作郎同

隸祕書後代因之

出宋書百官志

唐因之龍朔二年改為司文

郎咸亨初復舊

張華年四十得河南尹丞不拜轉著作佐郎又張載字孟陽為著作佐郎作漆

汜池賦傳玄見之歎息以車迎載郭璞獻南郊賦中宗嘉其才以為著作佐郎沈約宋書曰後漢已來太史但

掌天文律歷而已其國記撰述悉在著作江左王導表著作為史官是也晉中興書曰華譚為祕書監時晉陵

朱鳳吳郡吳震等以單族二人並有史才白首於衡門後譚知之薦二人擢補著作佐郎並皆稱職也 事

對待詔

刊石

晉元康元年詔曰著作郎舊隸中書大興二年依漢故事召陳郡王隱待詔著

作單衣介幘朝朔望於著作班次依佐郎也又晉中興書曰孫綽為散騎常侍領大著作轉廷尉著作如故于

時才筆之士綽為冠故溫王郤庾諸公之薨必須綽銘而後刊石

才筆

史法

才筆事見刊石

注王隱晉書曰何萬善史法為著作

司文籍

議限斷

司文籍見敘事王隱晉書曰陸士衡

以文學為祕書監虞濬所請為著作郎議晉書限斷

應亨五葉

崔駟三世

應亨集讓

著作表曰自司隸校尉奉至臣五葉著作不絕卿族以為美談崔駟三世相繼其後無聞若乃談運接武彪固

躡跡亦各一世之良也以上著作郎

西觀

南郊

張隱文士傳曰東哲元康四年晚應司空府入

月餘亦除著作佐郎著作西觀撰晉書草創三帝紀及十志晉中興書曰太興元年郭璞奏南郊賦中宗嘉其

才以為著作佐郎

難限斷

賦濛汜

晉紀曰東哲字廣微祕書監賈謐請為著作郎難陸

士衡晉書限斷張載字孟陽作濛汜賦太僕傅玄見賦歎息以車迎載言談終日深相貴重載遂知名起家徵

為著作撰三國創十志張華別傳曰陳壽好學善著述師事同郡譙周少仕蜀在

佐郎觀閭為郎除中書著作郎撰三國志創十志事見西觀注中傅玄歎賦夏湛壞書

述除著作佐郎當時夏侯湛等多欲作魏書見壽所作

即壞已書以詩北齊邢邵酬魏叔冬夜直史館詩年

從衡至動息自不安兼豆未能飽重裘詎解寒况乃冬之夜霜氣有餘酸風音響北牖月影度南端燈光明且

滅華燭新復殘衰顏依候改壯志與時闌體羸不盡帶髮落強扶冠夜景將欲近夕息故無寬忽有清風贈辭

義婉如蘭先言歎三友末言慙一官麗藻高鄭衛專學美齊韓審喻雖有屬筆削少能干高足自無限積風良

可持空想青雲易寧見赤松
難寄語東山道高駕且盤桓
表梁沈約到著作省表臣

言即日被召以本官兼今職臣藝不博古學謝專家乏
懷鉛之志慙夢腸之術聯事幸善握蘭慙良謬勒斷蛇
之符預刊冰河之業路遙難騁才弱未勝而神工曲造
雕絢彌壘珥筆史觀記言文府趨奉載揚醜憐交頽

太常卿第十三事釋名云卿慶也言萬物皆慶賴之又

卿章也言貴盛章著也案古者天子諸侯皆名執政大

臣曰正卿自周以來始有三公九卿之號大率九卿多

秦漢官也漢世雖號九卿其官無卿字至梁始加卿字

其後並因之秦漢以來直云某為太常梁又象四時置

至梁始云某為太常卿

十二卿陳氏因之

梁以太常司農宗正為春卿太僕太府少府為夏卿衛尉廷尉大匠為秋卿光

祿鴻臚太尉為冬卿

後魏依南齊以前置九卿又各加少卿焉北

齊隋因之

自梁以下出五代史百官志

唐龍朔二年加正卿以別少

卿咸亨初復舊除正字

歷代九卿廢置不同自漢以來皆數少府北齊隋則不數後漢

省衛尉東晉及宋齊省太僕齊宋以前無太府以上總載九卿

宋太常漢官也宋百官

春秋云昔唐虞伯夷作秩宗典三禮周則春官宗伯掌

禮樂並其任也初秦置奉常漢祖更名太常惠帝又曰

奉常景帝又曰太常

如淳曰常典也常典三禮故曰太常或曰太常王者之旌禮官主奉

持之故曰奉常後改曰太常尊大之義故改名之

王莽改曰秩宗東漢又曰太

常五代史百官志云至梁加卿字曰太常卿其後因之

唐初因之龍朔二年改為奉常咸亨初復舊光宅初曰

司禮卿神龍初復舊事對法河

括海

春秋漢舍孽曰三公象五獸九

卿法河海謝承後漢書曰李淑諫更始曰夫三公上應垣宿九卿下括河海

龜鈕

犀印

漢官

儀曰卿秩中二千石孝武皇帝元狩二年令通官印方寸大小官印五分王公侯金二千石銀印龜鈕司馬彪

漢書曰二千石以下至百石佩雙印皆以黑犀

藻衣

花綬

漢官儀曰衣裳公侯華蟲卿大

夫藻火又曰卿秩中二千石綬青地桃花三彩

緹扇

朱轡

續漢書曰卿以下有駢者緹扇汗青

翅尾又曰秩中二
千石皆皂蓋朱轎
參三槐
位九棘
帝王世紀曰九卿者所以參三公也

又周禮曰面三槐三公位焉又曰朝士掌外朝之法左九棘孤卿大夫位焉鄭玄注曰樹棘以為位者取其赤

心而外刺象赤心三刺
奉常
宗伯
漢書曰秦曰奉常掌宗廟禮儀景帝中平六年更名太常

周禮曰春官宗伯掌天神地祇
掌宗廟
作禮樂
字宗廟事見奉常注續漢書張奮拜太常

言禮樂當改
作上善之
典三禮
首九卿
漢書曰太常古官云伯夷秩宗典三禮欲令國

家盛大社稷常存故稱太常漢官解詁曰
太常社稷郊時事重職尊故號九卿之首
造廬特賜

賣宅自給
晉中興書曰賀循字彥先拜太常中宗踐阼下令曰循水清玉潔行為俗表加位處上卿

居身服物益身而已屋纔庇風雨孤常造其廬特為慨然其賜以六尺床席褥并錢二十萬以表至德魏志曰

和洽字陽正為太常清貧賣田宅以自給也

桓榮設几

孫通賜金

華嶠後漢書曰

桓榮字春卿以少傅遷太常明帝即位尊以師禮甚見親重拜之乘輿每常幸太常府令榮東面坐設几杖會

百官吏記曰高祖滅秦已登尊號羣臣飲爭功醉或妄呼拔劍擊柱高祖患之於是叔孫通進說遂設綿蕝野

外習之月餘通曰可試觀上使行禮畢復置法酒無敢譏諱失禮者高祖曰吾乃今日知為皇帝之貴也拜通

太常賜金五百斤

馬安四至

段容再登

漢書曰司馬安巧宦四至九卿又曰濮陽

段容始事蓋侯信信任容官亦再至九卿

還第攝事

干齋怒妻

晉起居注曰安帝二

年太常臨川王竇啟府舍窄狹不足移家母鍾年高連離靡寧乞還第攝事詔聽之應劭漢官曰北海周澤為

太常恒齋其妻憐其年老疲病窺內問之澤大怒以為干齋掾夫叩頭爭之不聽遂收送詔獄并自劾論者非

其激發諺曰生世不諧為太常妻一歲三百六十日表
三百五十九日齋一日不齋醉如泥既作事復低迷

梁陸倕為王光祿轉太常讓表

昔者楚德方盛叔敖濯衣漢道克昌王陽結綬

故拜命無辭受爵不讓况宗卿清重歷選所難漢晉已降莫非素範辭爵則桓郁張奮讓封則丁鴻劉愷潘尼

之文雅純深華表之從容退嘿自此迄茲風流繼軌以臣沉之曾無等級

陳沈炯為周弘正讓

太常表

臣聞玉烏彫楹不取材於蟠木丹珠繡黼豈襲

叔孫之野外定禮倍資典實刁協之躬為唱引豈易其儀儻九賓闕相封禪失儀責以司存云誰之咎况南史

執簡轉見連才君舉必書尤難妄冒

歲後漢崔駰太常歲

翼翼太常實為宗伯穆穆靈祇寢廟奕奕

尸攸宜弗祈弗求惟德之報不矯不誣庶無罪悔無曰

我材輕身恃盛東鄰之犧牛不如西鄰之參
魚秦頌望吳隱覽鍾巫常臣司宗敬告執書

司農卿第十四

事

司農卿漢官也漢官云初秦置理粟

內史掌穀貨漢因之景帝更名大農令武帝更名大司

農

按堯命羲和四子敬授人時舜二十二官棄為后稷
攝時百穀蓋其任也周官冢宰之屬有太府下大夫

鄭立注曰太府主治藏之長王莽改大司農曰羲和後
若今時司農也並司農之任

又改為納言東漢復為大司農五代史百官志云梁加

卿字曰司農卿省大字後魏又加大字北齊又除大字

隋氏因之唐初因之龍朔二年改曰司稼卿咸亨元年

復舊事對六府

萬石

崔瑗鮑德誅曰乃司大事掌是六府三事九功地修地聚漢武

帝栢梁詩大司農曰陳粟萬石揚簸之

天倉

國泉

韓揚天文要集曰天倉者大司農也史游

急就篇曰司農少府國之泉也

司金

掌帛

楊雄大司農歲曰維時大農爰司金穀續漢書曰大

石掌諸錢救金帛

周曰太府

莽改義和

周曰太府見叙事注

漢書曰平帝元始元年改大司農曰義和以劉歆為之

高詡方正

牟融明達

東觀

漢記高詡字季回以儒學徵拜大司農在朝以清白方正稱又曰牟融字子優為大司農性明達稱為名卿

安車徵鄭

天子器

續漢書曰鄭玄公車徵為大司農給安車一乘所過長吏送迎

又曰朕國字叔慮為大司農曉邊事能論議數上便宜事天子器之

延年盜錢

趙典交

德

漢書曰田延年為大司農坐盜都內錢三十萬自殺續漢書曰趙典字仲經為大司農閉門却掃非德不

交 箴漢揚雄大司農箴

時維大農爰司金穀自京阻荒粒人是斛榮自殿初實施惟食

厥僚后稷有無遷易實均實贏惟都作程旁求衣食厥民攸主上稽二帝下閱三王什一之任為民作常遠近貢篚百則不忘帝王之盛實在農植季周爛熳而東作不勅膏腴不獲庶物並荒府庫殫虛靡積倉箱陵遲衰微周卒以亡秦收大半二世不瘞泣血

晉張華大司農

箴

家有廬井王有廩籍阜茂豐物和鈞闢石在周之季不虞政首棄授帑務不籍千畝匱神乏祀敗於戎醜

稽臣司農
敢告左右

太府卿第十五欵 太府卿周官也

周禮天官屬有太府下大夫掌貢賦受其

貨賄之入掌府藏貨賄秦漢以下不置其官職務所司分在

司農少府矣至梁始置太府卿陳及後魏北齊隋皆因

梁置之

並見五代史志及後魏官比志

唐龍朔二年改為外府卿咸亨

初復舊光宅初改為司府卿神龍初復舊

自梁以前無太府故其事

對及文章並闕今既列在九卿之數特存於敘事應須作文章亦可參採司農之專用也

光祿卿第十六敘光祿卿漢官也齊職儀云初秦置郎

中令掌宮殿門戶及主諸郎之在殿中侍衛故曰郎中

令

漢官云郎中令屬官有五官中郎將左右中郎將曰三署署中各有中郎議郎侍郎郎中皆無員多至千

人主執戟衛宮陞及諸虎賁郎羽林郎皆屬焉謂之郎中令者言領諸郎而為之令長漢因之至武

帝更名光祿勳應劭曰光明也祿爵也勳功也言光祿勳郎謁者虎賁羽林舉不失德賞不失

勞故曰光祿勳如淳鄭玄並云勳猶闡也今光祿勳則古闡之職後漢獻帝又為郎中

令魏文又為光祿勳後世因之五代史百官志云至梁

加卿字曰光祿卿除勳字後代因之北齊兼掌看膳隋

則全掌看膳不復掌宮殿門唐初因之龍朔二年改曰

司宰卿咸亨初復舊光宅初改為司膳卿神龍初復舊

事對首九列 總三署庾冰集用樂漢詔革曰光祿九卿列首且職典史署續漢書曰杜

林字伯山為光祿勳內奉宿衛
外總三署周密敬慎選舉稱平
北宮室 掌掖門 北宮室見

下揚雄箴漢書奏曰郎中令掌宮掖門
戶有丞武帝太初元年更名光祿勳
歎至德 薦名

士 孟宗別傳曰宗為光祿勳大會宗先少酒偶有強者
飲一杯便吐傳詔司察宗吐麥飯察者以聞上乃歎

息曰至德清純如此續漢書曰杜
林字伯山選舉稱平數薦名士 入卧內 總從官 漢

曰周仁景帝時為郎中令為人陰重不洩以是得幸出
入卧內後宮祕戲仁常在傍終無所言栢梁詩光祿勳

曰總領從 辨棄甲 問投蛇 魏志曰王肅字子雍為光
官栢梁臺 祿勳時有一魚長尺集武

庫之屋有司以為吉祥肅辨之曰魚生於泉而見於屋
介鱗之物失其所也邊將其始有棄甲之變乎其後果

有東闈之敗謝承後漢書曰楊賜字伯欽拜光祿勳位
特進又嘉德殿前有青赤氣詔特進遣中使問賜祥異

禍福吉凶所在以賜博學碩儒故密詣問宜極陳其意嘗上疏陳請案春秋讖天投蛇海內亂今妾嬖閹尹共專國朝之所致也

宣王拜林

景帝問表

魏志曰常林徙光祿勳太常晉宣王以林

鄉邑耆老每為之拜或謂林曰司馬公貴重君宜且止之林曰司馬公自欲敦長幼之序以為後生之法貴非吾之所畏也言者慙慙縮踏又曰鄭表為光祿勳毋立儉作亂景帝自征之百官祖送時表疾不在會上謂王肅唯不見鄭光祿為恨表聞自輿追上上笑曰安世捷固知生必來也遂與同載問以計謀帝甚重之

奴 曜卿賜穀

漢書曰張安世字孺子為光祿勳郎有醉小便殿上主事白行法安世曰何以

知其不覆漿水耶郎有淫官婢婢兄自言安世曰奴以恚怒誣汚衣冠告署捷奴其隱人過皆此類也魏志曰袁渙字曜卿為郎中令時言劉備死君臣皆賀渙以常為備吏獨不賀卒於官太祖為之流涕賜穀二千石太倉

穀千斛垣下穀千斛與曜箴漢揚雄光祿勳箴經北宮室畫為

御家上言官法下言親故中外廊殿門闥限以禁界國有周衛人有藩籬各有攸保守以不岐昔在夏殷桀紂淫酒持牛之飲門戶荒亂郎雖執戟謁者參差殿中成市或鼓或鞀忘其廊廟而聚大通逃四方多罪載號載嗽內不可不省外不可不清德人立朝義士充徒祿臣司光敢告執經

鴻臚卿第十七事鴻臚卿漢官也漢官云昔唐虞賓於四門此則禮賓之制

也與鴻臚之任亦同也周禮大行人掌賓客及諸侯朝覲事即其

任也漢官云秦置典客掌諸侯及歸義蠻夷漢因之景

帝更名大行令武帝改曰大鴻臚胡廣曰鴻聲也臚傳也所以傳聲贊導九

賓劉熙曰鴻大也腹前曰臚此言以京師為心腹以王侯蕃國為四體韋昭曰鴻大也臚其陳序也故以大禮陳序

於賓客初秦又有典屬國亦掌蠻夷降者漢亦因之成帝并

入大鴻臚王莽改鴻臚為典樂東漢又曰鴻臚其後並因之五代史百官志云至梁加卿字曰鴻臚卿除大字後魏又加大字北齊又除之隋氏因之唐初因之龍朔二年改為同文卿咸亨初復舊光宅初改曰司賓卿神龍初復舊

事對掌蠻

主故

漢書曰典客秦官秩中二十石掌諸侯及四方歸義蠻夷皇子拜授印綬

山濤啟事曰鴻臚主故事前後為之者率多不善了今缺當選御史中丞刁攸不審於兩宜不主祠

序客

東觀漢記曰大鴻臚漢舊官建武元年復置屬官大丞一人大行丞有治禮員四十七人主齋祠饋

贊九賓之禮韋昭釋名辨鴻臚者本故典客事掌賓禮武帝時更為鴻臚鴻大也臚陳序也欲以大禮陳序於

賓客

遷公

慙長

東觀漢記曰鴻臚三十六人其陳寵左雄朱寵龐參施延並遷公謝承後

漢書曰陳紀字元方遭父太丘長寔憂嘔血絕氣豫州嘉其至行表上尚書圖畫百城以勵風俗袁紹以太尉

讓紀紀不受拜大鴻臚卒官子羣為三公天下以為公慙卿卿慙長 掌四方夷 贊九賓

禮 掌四方夷見上掌蠻注 秦曰典客 漢置鴻臚 並見

刁攸能人

韓宣稱職

山濤故事曰鴻臚多不善了今缺當選御史中丞刁攸舊能人

魏略曰韓宣字景然為大鴻臚始南陽曲阜韓暨以宿德在宣前為大鴻臚及宣在官亦稱職故鴻臚中為之

語曰大鴻臚小鴻臚
前後治行曷相如
箴漢揚雄大鴻臚箴
通坡極陶陶

百王天工人力盡為上下羅條百職人有才能察有級
差違能於官各有攸宜主以不廢官以不隳昔在三代
二季不蠲穢德慢道署非其人失其材職反其官案
察荒耄國政如漫文不可文武不可文大小上下不可

奪倫鴻臚臣司
爵敢告在鄰

宗正卿第十八敘宗正卿周官也宋百官春秋云周受

命封建宗盟周封兄弟之國十有五
同姓之國三十有五始選其宗中之長

而董正之謂之宗正成王時彤伯入為宗正掌王親屬
是也秦漢因之平帝更名宗伯王莽改為秩宗東漢復

為宗正晉曰大宗正

後魏皆同姓為之晉以後雖用庶姓為之

五代史百官

志云至梁加卿字除大字曰宗正卿北齊又加大字隋

又除之唐初因之龍朔二年改為司宗卿咸亨初復舊

光宅初改為司屬卿神龍初復舊事對司宗

掌親

司宗

見下揚雄箴

仁孝

忠直

東觀漢記曰劉平字公子以仁孝著聞永平三年為宗正

漢書曰劉向字子政元帝時蕭望之周堪薦向宗室忠直明經有行為宗正

掌親屬

錄嫡

庶漢書曰宗正秦官掌親屬有丞平帝元始四年更名宗伯司馬彪續漢書曰宗正卿一人秩二千石掌序

錄王國嫡庶人次及諸宗室親屬遠近郡國歲計上宗室名若有犯法當免以上上諸宗正卿

畏盛滿

竭忠節

漢書曰劉德字路叔修黃老術有智略少時數言時事召見甘泉宮武帝謂之千里駒昭

帝初為宗正丞後為宗正卿妻死大將軍欲以女妻之德不敢娶畏威滿也東觀記曰劉般字伯興代名忠孝

在朝竭忠盡節建初元年拜為宗正箴漢揚雄宗正卿箴巍巍帝克欽親九族經哲宗伯

禮有故訓屬有故籍各有胄子代以不錯音在夏時太康不恭有仍二女五子家降晉獻悖統宋宣亂序齊桓

不肖而忘其宗緒周譏戎女魯喜子同高作秦桀而扶蘇被凶宗廟荒墟魂靈靡附伯臣司宗敢告執主

衛尉卿第十九事齊職儀云衛尉秦官也掌宮門衛屯

兵蓋周禮宗伯官正之職尉者尉也古者兵獄之官皆名尉言以羅尉令主奸非漢因之景帝

更名中大夫令尋復舊為衛尉自王莽及後漢初並省

之至獻帝復置魏晉宋齊因之五代史百官志云至梁

加卿字曰衛尉卿後代並因之唐武德初省之貞觀中

復置龍朔二年改為司衛卿咸亨初復舊光宅初又改

為司衛卿神龍初復舊事對千列

八屯

班固西都賦曰周廬千列

微道綺錯張衡西京賦曰衛尉八屯警夜巡晝微道外周千廬內附

周廬

夾道

漢官解詁曰衛

尉掌宮闕周廬殿屯陳夾道當兵交戟胡廣注曰宮闕之內周廬殿各陳屯交兵士以示威武交戟以遮妄出

入周衛

巡警

漢武帝栢梁詩衛尉曰周衛交戟禁不時張衡西京賦曰衛尉八屯警夜巡晝

交戟屯兵

交戟見上周廬注漢書曰衛尉秦官掌宮門屯兵有丞景帝初更名中大夫令後元

年復為
衛尉

案籍受傳

見符識引

胡廣注解詁云凡屋宮中者皆施籍於掖門按

其姓名當入者本官長吏為之封啟傳審其印信然後受之有籍者皆復有符用木長二寸以所屬官兩字為鐵印分符當出入者案籍畢復識齒符識其物色乃引內之

祿賜親戚

身無愛惜

吳志曰嚴峻自孫權為吳王及稱尊號峻常為衛尉祿賜皆散之親戚知故家常不充績漢書曰陰興為衛尉

每將遠征身行勞問無所愛惜

歲漢揚雄衛尉歲

茫茫上天崇高其居設置山險畫為防禦

重垠累垓以難不律闕為城衛以待暴卒國以有固人以有內各保其守永攸不敗維昔庶僚官得其人荷戈而歌中外以堅齊桓怵惕宿衛不勅門非其人戶廢其職曹子探劍遂成其詐軻挾匕首而衛人不寤二世妄宿敗於望夷閭樂矯詔戰者不推尉臣司衛敵告執維

太僕卿第二十

事

齊職儀云太僕周官也尚書稱穆王

命伯冏為太僕正是也蓋為衆僕之長曰太僕秦因之

掌輿馬歷漢後魏及晉西朝咸置之至東晉元帝省之

後復置至成帝又省之併入宗正蓋有事郊祀則權置

畢則省宋齊因之五代史百官志云梁又置之加卿字

曰太僕卿後皆因之唐初因之龍朔二年改為司馭卿

咸亨初復舊光宅初改為司僕卿神龍初復舊事對前

驅馭駕

周禮曰太僕王出入則自左馭而前驅鄭玄注云前驅如今導引也續漢書曰太僕周官

秩中二千石掌車馬天子

拭輿

數馬

漢武帝栢梁詩太僕曰牧拭輿

馬待警來漢雜事曰石慶為太僕御出上問車中幾馬慶以策數馬舉手曰六馬慶於兄弟中最為簡易而猶

如**奉車**

待警

漢書曰夏侯嬰為沛公太僕常奉車嬰自上初起常為太僕竟高祖世以太僕事

惠帝高后文帝凡四主待警見上拭輿注

子尼儉

次孫清

魏志曰國泉字子尼為太僕居

列御位布衣蔬食祿賜散舊故宗族以恭儉自守續漢書曰祭彤字次孫為太僕朝廷聞彤素清有道而衣無

兼副建路鼓

箴乘輿

周禮曰太僕掌王之服位出入王之大命建路鼓於大寢之門外而

掌其政王出入則自右馭而前驅魏志曰潘尼字景叔侍中為太僕造乘輿箴

詩晉孫楚太僕

座上詩曰

朝欽厥庸出尹京畿迴授太僕四牡駢駢駢耳盈箱翠華歲黜熱齊庭實增國之暉
箴

漢揚雄太僕箴

肅肅太僕車馬是供鏘鏘和鸞駕彼時龍昔在上帝巡狩四宅王用三驅前禽

是射紂作不令武王征殷檀車孔夏四駮孔昕僕夫執
鋒載駢載駟我與云安我馬惟閑雖馳雖驅匪逸匪愆
昔有淫畀馳騁忘歸景公千駟而淫於齊詩好牡馬牧
於垆野輦車就牧而詩人興魯廐焚問人仲尼厚醜孟
子蓋悉夫廐多肥馬而野有餓殍僕臣司駕敢告執皂

大理卿第二十一事叙齊職儀云大理古官也唐虞以臯

陶作士士理官也

春秋元命包曰堯為天子夢馬喙子得臯陶聘為大理

初秦置

廷尉

應劭曰古官兵獄官多以尉稱尉者罰也言以兵獄羅罽奸非也古之聽訟必質於朝廷與衆共之

故曰廷尉漢因之景帝改曰大理武帝又曰廷尉哀帝又曰

大理王莽改曰作士東漢又曰廷尉晉宋齊並為廷尉

五代史百官志云梁加卿字曰廷尉卿後並因之唐龍

朔二年改曰詳刑卿咸亨初復舊光宅初改曰司刑卿

神龍初復舊事對臯呂

于張

潘岳楊荊州詠曰惟此大理國之憲章君茲其

任視民如傷庶獄明慎刑辟端詳聽參臯呂稱侔于張臯臯陶也虞書曰帝曰臯陶汝作士明於五刑呂呂侯

為周王司寇周書曰穆王訓夏贖刑作呂流涕垂念

刑于子定國張張釋之事見下無冤注中

謝承後漢書曰傳賢字仲舒遷廷尉賢清廉平直自掌法官無私問常垂念刑法務從輕比每冬至斷獄遲迴

流涕又曰盛吉字君達拜廷尉

自掌憲平法常懇惻垂念之

有恩

無冤虞預會稽典錄曰盛

吉字君達為廷尉性多哀憐其妻謂吉曰君為天下執法不可使一人濫罪殃及子孫其囚無後嗣者令其妻妾得入使有遺類視事十二年天下稱有恩漢書曰于定國為廷尉為人卑恭尤重經術決疑平法務在哀鰥寡罪疑從輕加審慎之心朝廷稱之曰張釋之為廷尉天下無冤民于定國為廷尉民自以不冤

耳剗

面決

漢書曰朱博遭廷尉恐為官屬所誣召見正監典法掾史謂曰廷尉本起於武吏不明法律幸

有衆賢亦何憂然廷尉治郡斷獄以來二十年獨耳剗日久三尺律令人事出其中試與正監共撰前代決事吏議難知者數十事持以問廷尉將為諸君覆之正監以為博苟強意未必能然即共條白為博皆召掾史為平處其輕重十中八九官屬咸服顏師古注剗也坵反鍾離岫會稽後賢記曰孔坦連廷尉卿獄多囚繫坦到官躬執辭狀口辨曲直小大以情不加楚繫襪署捷每臺司錄獄無所顧問皆面決當時之事

繫襪

署

門漢書曰王先生者善黃老言處士也張釋之召居廷中王生年老與釋之及公卿會廷中立王生機解顧謂釋之為我繫機釋之前跪而繫之既退或讓王生曰何辱張廷尉乎王生曰廷尉方為天下名臣吾聊使繫機欲重之諸公聞之賢王生而重廷尉又曰下邳翟公為廷尉賓客填門及免官門外可設雀羅復為廷尉署其門曰一死一生乃知交

議絕妻

決分子

漢書曰孔

情一貴一賤交情乃見
時定陵淳于長坐大逆誅長少妻乃始等六人皆以長事未發覺時棄去或更嫁及長事發丞相翟方進等議乃始等於法無以解論光以為夫婦之道有義則合絕義則離乃始或嫁義已絕而欲以為妻論殺之名不正不當坐有詔以光議是謝承後漢書曰范廷壽宣帝時為廷尉時燕趙之間有三男共娶一妻生四子長各求離別爭財分子至聞於縣縣不能決斷讞之於廷尉於是廷壽決之以為悖逆人倫比之禽獸生子屬其母以

子並付母尸三男於市奏免郡太守
令長等無帥化之道天子遂可其言
吳家三世 郭氏

七人 華嶠後漢書曰河南吳雄字季高以明法律桓帝時自廷尉致位司徒雄少時家貧母死葬人所不

封之地喪事趨辦不卜時日巫皆言其族滅而雄子祈孫恭三世為廷尉以法為名家又曰郭躬字仲孫為廷

尉正遷廷尉家代掌法律鎮自廷尉
左監遷廷尉凡郭氏為廷尉者七人
箴漢揚雄廷尉箴

天降五刑惟夏之績亂茲平民不回不僻昔在蚩尤爰作淫刑延於苗民夏氏不寧穆王耄荒甫侯伊謀厥後

陵遲上帝不孤周輕其制秦繁其辜五刑紛紛靡遏靡止寇賊滿山刑者半市昔在唐虞象刑天民是全紂作

炮烙墜人於淵故有國者無云何謂是則是剗無云何害是剗是割惟虐惟殺人莫予奈殷以刑顛秦以酷敗

獄臣司理
後漢崔駰大理箴
為犴狴九州允理如石

之平如湖之清三槐九棘以賢以德罪人斯殛凶族斯
進熙又帝載旁施作明音在仲尼哀矜聖人子罕禮刑
衛人釋艱釋之其忠勲亮孝文于公哀寡定國廣門夏
哉避矣舊訓不遵主慢巨驕虐用其民賞以崇欲刑以
歸忿紂作炮烙周人滅殷商用淫刑湯誓其軍衛鞅酷
烈卒殞於秦不疑知害禍不及身嗟茲大理慎於爾官
實不可不思斷不可不虔或有忠能被害或有孝而見
殘吳沉伍胥殷剖比干莫遂爾情是截是刑無遂爾志
以速以亟天鑒在顯無細不錄福善
禍惡其效甚速理臣司律故告執獄

初學記卷十二